


土岐文庫  
文庫17  
W82  
25



吳孟舉同選  
自牧

# 宋詩鈔四集

錢吳氏  
古堂藏

昭和六十年二月一日  
王岐善書唐氏寄贈

010185188510



## 宋詩鈔四集目錄

薛季宣	浪語集
葉適	水心集
林光朝	艾軒集
樓鑰	攻媿集
趙師秀	清苑齋集
翁卷	葦碧軒集
徐照	芳蘭軒集
徐璣	二薇亭集
黃公度	知稼翁集
劉克莊	後村集
王廷珪	瀘溪集

宋詩鈔四集目錄

劉宰 漫塘集

王阮 義豐集

戴復古 石屏集

戴昺 農歌集

方岳 秋崖集

鄭震 清雋集

謝翱 晞髮集

晞髮續稿

文天祥 文山集

許月卿 先天集

林景熙 白石樵唱集

真山民 山民集

汪元量 水雲集

梁棟 隆吉集

何夢桂 潛齋集

僧道潛 參寥集

僧惠洪 石門文字禪

費氏 花蕊集

Blank page with vertical lines for text.



浪語集鈔

六六

薛季宣字士龍永嘉人年十七起從荆南帥辟書寫機  
宜文事由武昌令召為大理寺主簿大理正出知湖州  
改常州年四十而卒季宣為程門再傳而所言經術則  
浙學也故浙人宗之其詩質直少風人瀟灑之致然縱  
橫七言則盧仝馬異不足多也

石門漁舍

漁家在何許躋駁岩下石花樹幾株芳湖山數峰碧窠樽  
亭遂古雙闕天自闢錦綉入茨舍藤蘿封筆柵吾為江上  
遊形苦世間役心馳定少步舟行過簷隙浪翁底鐫銘太  
尉此居宅豈若斯人徒風雲相主客

遊竹陵善權洞二首

良吾集少

萬古英臺面雲泉響佩環練衣歸洞府洞水劍流香雨落

人間蝶舞凝山魄花開想玉顏幾如禪觀適遊鱗戲澄灣

寺故祝英臺宅唐昭義帥李蟻嘗見白龍出水洞而為雷

左右螭蠻戰晨昏燕蝠爭九星寧曲照三洞獨何營世事

嗟興喪人情見死生阿誰能種玉還爾石田耕山有三洞

更寺觀者不一再有李後主斷還僧寺批札石記語極可笑大水洞有石田數十町奇絕

都場正月盡未見梅思雪中石門之遊作

千里春何晚三旬暎不回眼青暝縣柳粉白闕宮梅麗水

年時泛桃花雪裏開軒轅丘一夢懷往息悠哉石門之上

軒轅之丘

謝客窮幽處仙宮隱薜蘿二峰我魏關雙瀑瀉天河狢獍

應縱致猿猴却思多雪中山更好淹歲定如何狢獍皆出石門山中

狢類猿而綠橫類狗而黃蓋猴屬之大者狢讀如勇始所謂狼狢也橫字書黃去人上聲呼之狼讀如勇

吳江放船至楓橋灣所謂心來溪也

短篷負長虹破簾掛明月風馬座中生天幕波中出高城

多隱映遠岫攬羅列少小泛吳江始識仙凡別

送士昭兄赴南外敦宗院

憶昔南州去松根眺邑鄜身啼雲裏樹人入洞中天載陟

今時路須航古渡船地窮熾嶮盡蚤晚濟平川

松花唐玉蘂花介甫謂之瑒花魯直謂之山礬武昌

山中多有之其葉可供染事土人用之釀酒

松綠吐瑤琨冷然郭外村仙人來玉蘂文士立山礬芳澤

留絲素風流付酒樽莫言瑒酷似香處不勝繁

樊岡雨後瀾望皆平蕪綠草無復花矣

候客樊岡道新晴致日佳萬般詩外意百種夢中花蔓綠  
鋪平野江流襲漲沙無如石頭滑龍首粲新芽

讀三國志

左角蠻攻觸南柯檀伐槐徘徊記名字人物委塵埃錦里  
昔曾到樊川今此來遺風不可見觀古意悠哉

乍落回路得家書是夕有歸夢

夢入江南路依然識舊廬家人話生計兒子督程書繚繞  
俗緣在纏綿習氣餘金雞驚悞我安問未爲疎

江行卽事

春信潮聲急滔滔掩岸沙客船離浦澈漁笛起蘼葭盪漿  
水光碎轉山帆影斜篙工指煙樹依約有人家

誠臺雪望懷子都三首

白也今良嗣千年壁一雙文息泉漱石色照月明窗樸檄  
空樊渚飄零遠漢江此情誰與度木介響琤琮

狂遊失可人萍聚我和君千里共明月幾山空白雲擊雕

飛墮毳嚙雪冷冰齧百歲無多子離居困索羣

雕李

李性剛直  
同官日爲

揜脛誠臺雪吟頭祇自昂梅花開嶺路冰玉皺池塘良馬  
日千里美人天一方尺書不可寄道義兩相忘

和賈簿

官冷君休歎浮名陌路車冰山逢燠泮豆粥併寒除但酌  
樽中酒從堆架上書未酬題柱志終不羨相如

忌日雪

荼毒惟何甚同時失所天哀傷逢此日懷抱憶初年白雪

明心素青松黯墓埏不堪陳几席罪罟欲誰究

鄉思

達仕租千石虛名酒五經豈能千日醉未勝九年耕識取  
杯中趣知從袋裏乘讀書無一事官宦泪平生

讀邸報

世味刀頭審人情屋上烏榮華葉子格升黜選仙圖豺祭  
知生獸虵銜欲報珠不將魂夢到反是憶尊鱸

春陰

讀王黃州小畜集

春晝閣春愁無情若隱憂柔腸牽柳眼困淚點花頭不放  
春風度從教暮雨休哀憐無限意小畜閣黃州

送鄭景望赴國子丞詩二首并序

澗之江渾但漫平聲而委長有山焉截乎江之口其潮也

尾閭盈而瀆瀑海水溢而羣飛回江之波倒流而反觸  
於山其濤怒衝乎渾其波激委之至心遠其爲憤也瀄  
一崩騰洶洶洄涵藏昂驟蹙而軒乍旋而入於盈淵谷前  
一無高岸一川矗立突如來如屹如銀山犇如陳馬轟如  
一雷鼓激如搏鵬子胥奔躍于濤頭文種昌揚其暗浪雖  
共工氏折不周之柱左伯母彈恒山之目拔山如項羽  
驅石若始皇未足以擬其壯天河裂龍門發呂梁洩汾  
防決淮隄撤猶不得形模其彷彿也操舟者逆而取之  
順而方之呼吸之中恬然已無事矣濤之力也有旣故  
吳兒可狎而弄其去也有時故行人可厲而涉走嘗聞  
諸濱江之老叟曰江之產有煩苛其涉有陷沙煩苛豸  
也螻蝻比也形如飄瓦呀吻衆多狎者遭焉則著身而

不寘沙之雜也多淖則人之履踐不實涉者俄而陷溺  
則僵爲汝之濫君子者曰操舟者子其神乎憑乎虛舟  
凌乎巨浪逆而取之不害其爲正順而方之不害吾之  
止故雖濤水掀天而吾不爲之蕩橫流溢壑而吾不爲  
之撓持危涉險竄默而成之其眎涉者吳兒爲有全安  
之數矣子鄭子一鄉之望其赴國子丞也固當爲時世  
用鄉人又將儀之夫國子清官子鄭子和而不流者也  
旣清且和利用安身而崇德矣其行也必將問津於浙  
走期之以舟楫之利琢詩爲贈且序陷沙煩苛之說所  
聞於父老者而冠諸篇端

風喜檣鳥順知難喚酒杯好溪寒已半京洛夢應回僧舍  
方飄雪江籬欲放梅不須愁國步之子棟梁材

愾我論交晚何堪又索居朝陽鳴必鳳清水察無魚百惱  
愁成斛羣疑鬼載車石滅亡可道贏得腹詩書

種蘭

蘭生林樾間清芬倍幽遠野人坐官曹茲意極不淺西窗  
蔽斜日松釵架春晚墻陰蔕花木憔悴根日損植此山國  
香坐與前事反扶疎可紉佩心緒端有本芽生僅盈壇高  
風九成畹羣芳顏色好祇自誇園苑何如淡嚼蠟草莽曾  
誰混對我靜無言忘形如莽筍

刈蘭

東畹刈真香靜院簾瓶水高遠不勝情時逐微風起和雨  
剪閑庭誰作騷人語記得舊家山香來無覓處

石盆



髯翁久埋沒歲月來成奔當年膾魚處鰓白徒形存想方  
高會時猛士侔雲屯連鰲覲一釣欲以大口吞尺鯽到紅  
雪烹葵植蘭蓀王餘弃玉食銀刀亂泗沚墮臺不禁醉網  
漏如鯨鯢座中盡羣彥人亡失叢墻吾遊懷此都重到郭  
外村聊與廣武歎衰衷受辛益頽然鳳凰臺路走臨津門  
催歸趁人馬誰念古帝魂愁無有力者空樽負雲根斯焉  
共杯飲垂綸具盤殮

得符速走之官

我本樂閑人自得安閑志鄙性習疎散誰識榮華意竭來  
復舊廬喜獲平生志稼穡任佃夫家室歸中饋中外若非  
我卒歲無他事飽飯讀詩書僂騰時困睡啾啾燕雀懼鴻  
鵠心應異三皇竟何物况復今官寺寒餽謀妻孥先春輸

典質茲乃不可常爲貧求祿仕版籍一書名野情那得遂  
官來促我裝去作塵埃吏無復有消搖真爲口腹累把板  
從此行短褐隨弃置素殮良不堪邑有民人寄衆心險山  
川道微非所暨上恐負朝家終念家聲墜吾民政焦嗷爲  
此不能寐格物可爲邦舊說今難試泥古誠腐儒惟此知  
爲治仁義舍不爲又敢圖與利上官如我容刑章得就易  
庶以遂其生將久蘇疲瘁此意尚茫然思之或狂悖

新作殊亭

虎將夏中時旋復怡亭址茆茨覆采椽樸拙亦可喜建斗  
五移杓殊亭更釋子規摹雖少華不陋復不侈元碑碎俗  
令遺集褒空紙縱步此山椒金聲猶屬耳舊亭苦弗稱新  
亭直殊美書文兩奇絕蹤蹟存布指古人久不見今人尚

殊此能知古今意元始本無始

春陰

春陰一何甚愁結窗外花細雨打踈竹涓涓草新芽眷此  
忽中慘吾生浩無涯閑讀几上書可歎復可嗟時流諒難  
追世路亦以賒折腰墨綬早坐有憂患加官柳粲新綠黃  
鸝語淫哇把盞但心醉天外日已斜魄月沉半壁歸飛噪  
啼鴉仰頭望虛碧冥冥密雲遮風塵政昏暗逃形乏浮槎  
顧影還自笑狂遊蕩無家弩頭強應世鈍若倒拔蛇先人  
營舊廬清池倚蒹葭芳時綉文錦翻濤散晴霞霽色故自  
好風霾益云嘉何常舍此去忘情傲丹葩

跋東坡詩案

南方有佳木遠在漲海涯沉水產其節雞舌生其肌結根

松栢塲龍腦寶離離蚤獠豈知貴斧斤斬藥枝椽爲糠粃  
槽將食犬與豨條枚惡鬣曲芟除弄江湄滄流蕩回波不  
與朽壤期年代知幾閱愈久乃見奇根株到餘握復恐分  
寸遺終焉盛芬烈蘭蓀謝芳姿

濟江逆田開府過西陽俞氏家林

輕舟時復到齊安一過漁家一黯顏江打頽墻開野徑篁  
生故壘上家山蕭騷城郭塵埃外縹渺煙霞雲水間便好  
繫船終日卧官曹不許片時間

宿大城寺與寺僧行都子故城於壁壘間得銅矢鏃

土中螺殼往往不壞僧言初作此寺發殿基下有  
古甌渠宮城中得銅矛矢鏃百數南城中土窖積  
灰埋鵝首骨猶具自甕城北望有郡王墓僧云其

傍墟塚甚多王墓常有巫者發之未開被蜂毒死  
巫家於懷袖間得蜂乃黃金所化

二千逆數到春秋戰國興亡一轉眸壘壁詎銷埋蚌殼劫  
灰寧燼斬鵝頭墳綠開發金成范殿為焚脩瓦出溝哨矢  
焦銅傷我意古來爭戰幾曾休

周將軍廟觀岳侯石像侯初襄道士不忍壞侯像沈荆溪中因得不壞

萬死何知獄吏尊威名蓋代古難存侯初下大理獄吏執筆請辭大書其紙尾

而吐之曰汝觀今世烏有大臣繫獄而生者趣具成案吾為汝書二桃豈為功高賜一舸

不容身退論幾為飲江息道濟繆為圖像削王敦沉碑千  
古蛟川恨留與無窮客斷魂

雨後憶龍翔寺

好溪東赴海門秋中有禪居湧碧流潮信往來雙別嶼世

緣生滅幾浮漚菱歌面面來魚鼓燈火層層到客舟何事

瓜期外留滯短窗斜雨不堪愁

宿大城寺寺乃郡王故宮

斷煙疎竹瑣樓臺郡子如今安在哉明滅故城無限意紫  
蘂花傷夕陽開

春草曲

二月二日未旦夢遊遇潦旋返見羣女魚貫舞入大第  
行歌春草之曲其聲宛轉清暢不類今之樂府寤而追

記其詩

散雪枝頭寒已老平蕪一夜鋪春草江梅着子怯東風花  
落滿庭渾不掃

赴調

三年蹤跡走泥途走過泥途一事無今日又行當日路有  
人爲我一邪飲

無題

朦朧夜色暗浮雲咫尺氛埃怯戰塵深夜鳴榔到庭戶  
湖知有釣魚人

醉醺花謝有感

當初曾醉浣花春席地棠梨當錦茵今日醉醺飄似雪閑  
忙不比舊時人

聞鳩

桃李無情花自妍竹根行復破苔痕新婦抱兒未歸去愧  
死鶉姑啼滿園

十四日從諸同官登西山郊壇岡次孟監務韻

菩薩巖前湛佛乘澄泓無復現天燈強歌下俚酬春雪便

好爲文弔刻藤

清遊無是亦無非陡絕圓壇一強躋赤壁望中公瑾在戰

塵何日靜征聲

人間萬事盡浮埃顧影窮遊莫倦陪吳王百世不復在只

有九仞郊天臺

歸計二首

浮雲何處是生涯念絕營營卽是家洗脚渡頭歸去也漢

津無用逐靈槎

置錐無地也無錐幸可歸來特地疑船子月輪貧未破羅

浮焉用石頭爲

青田同七五兄作四首

爲得雙鶴訪青田便有孤雲竟目前灘水自鳴山自綠短  
蓬斜柱得酣眠

烏雲送雨過前山白鳥將雛向遠灣獨立溪亭無箇事滯  
流隴石鎮潺潺

浩歌歎乃客銷魂一抹煙林暝遠村花爲忘憂人一笑不  
知風雨作黃昏

谿翁夜傍清溪立千尺絲綸一紅粒天空月白不見人無  
聲露滴蘋蓼濕

讀鬼詩擬作二首

坐對悲風嘯晚山征鴻不記幾回還青銅蝕破菱花面慵  
掠烏雲縮髻鬟

玉藥紛華若未真至遊無朕亦無身細看浮世多塵坌如  
我得歸能幾人

雨後憶龍翔寺

二峰高峙夾禪扃長落潮音逐磬聲老僧睡起絕無事不  
管波濤四面生

村居秋暮

風回偃水穀紋平林末它山筆架橫場圃未閒黃葉下鴉  
鷄啼雨忽啼晴

携菹

一扇閒尋五木經概攬盧白意冥冥未能後擲如前擲將  
奈長亭又短亭

六月三夜夢觀其人詩什其書一章四絕蓋絕筆也  
走讀競太乙真人來告語青猿手裏得長書靜聞

丹竈風中雨之句夢而默記之寤矣作詩導意  
多謝真人警夢書青猿馴擾尚趨趨任從爐鼎喧風雨爭  
奈神明復古初君樂煉形咀丹火我甘飲水灌園蔬惟當  
敬佩終焉意予欲無言致匪虛

樊口見鄭崇陽不遇

經時兀兀坐筠鄉命駕崎嶇傍夕陽島嶼西陵開罨畫湖  
山東鄂洗新裝路侵細草迷繁綠風落閒花憶舊香却上  
渡船歸去也不逢安道故無妨

誠臺晚意

麥夏西山日脚斜峰雲千里盡丹霞晴嵐棖桷水春漲芳  
草園林路晚花遠近子規啼怨抑高低乳鷲語淫哇官身  
歸是何年社信美誠臺不似家

新晴

起人舒慘作陰晴九十春光只雨零宿草未萌波漠漠落  
花歸盡葉青青風生遠嶠銜明月霧激長江吐漲汀天意  
乍回心自廣片時雲路覺無形

從孫元式假定本韓文

楊墨衰周亦旣微仙曇變夏用 回瀾豈直萬人敵斷  
簡傳將百世師脫落間亡鳥劍墨蠹殘寧免白魚辭校讐  
歆向君無愧聊以新詩當一紙

校畢歸之

倒墨扶周復古文清輝萬丈醇乎醇七篇奧義遠相繼六  
代潛光今又新字假通才識魚魯車慙寡學改金銀異書  
喜得君無靳此道中興知有人

勸農出郊

漫驅戎馬說農郊不見田疇見白茅  
洪道曉晴明水底羊  
瀾春漲長林稍紅翻大澤霞方散青入空原草漸苞迎峻  
示民民自勸可須杯酒薦烹炮

冒雨渡江弔喪彭氏造雪堂夜歸

月波樓下草芊芊浪拍三江起暝煙願見古人人又去欲  
詢往事事無傳窪樽明滅漁家火樊口依倚估客船妻子  
迎門應怪笑問君何謂苦周煎

武昌懷古

漠漠煙村一故城郊壇離殿草萌生青山不解知興替銷  
黯開顏爲雨晴  
筠鄉入夏野花方拆

墻匝叢叢綉舞茵一般顏面各精神筠鄉不爲東君去野  
草閑花滿路春

晚渡東坡

赤鼻磯頭橫曙煙吳王城下浪連天聞道東坡妙天下爾  
來靡日不盤旋  
浮生萬事盡塵埃瑞慶堂今榜快哉惟有東坡舊煙柳道  
人猶解指莓苔

寒食雨

言歸社雁已家鄉紫燕呢喃識舊梁甚再疾風寒食夜旅  
人情緒一思量

嘲欲借予雜藁者

神文道本可言形退也能藏用卽行要得任牽驢狗在無

端何似借書生  
郎君到底亦何知奪卷書生真數奇惡語故應多艾氣殘  
藤無用寫來詩

送張漕還停舟樊港訪退谷

送客過樊谿停橈退谷口不見元次山靜立躊躇久巉巖  
兩石峰猶疑入戶牖杯湖正宜泛埋塞僅盈肘糞壤瘞杯  
樽勿復堪堵酒扁舟泛然者長歌挈敝笥浩無風塵意將  
恐是聲叟自知干進客對面弗敢扣從之人甚遠慙顏爲  
之厚武昌非昔人望絕不得友宅時賦歸歟湖谷定吾受  
此心介如石自誓何樊母

草閣子規恨

風篠扣吾扉有人來我語語好不須多都不如歸去開門

我見客客子今何許竹下得滄虻

八言爲杜宇杜宇昔上

蜀不自安當寧相歸密淫遊微行  
村踽踽蛟龍失水困哀  
怨成飛羽規名釋爾雅茲事則然  
古楊雄蜀本紀望帝亦  
賢主仙去正啼規去思傳往古不  
妄信斯言王去非輕舉  
蒼天悲此民故使規聲苦脫屣感  
斯意八極歸客與到今  
惟一人後躅追無侶所以百世下  
直指不得數聲盡斷以  
血空教瀝肝腑其然豈其然臣事  
君看取

聞齊安雜詠板成從沈守求印蒙以爲贈

軼縣西南弦子國使君昭代文章  
伯氣吞雲夢納東坡心  
在江湖輕赤壁月波蕩漾春山色  
崢嶸洲草芊芊碧政平  
訟簡暇居多杖屨逍遙神自適到  
眼風光看如畫罨畫溪  
邊舊遊者高亭矗立畫不如坐嘯  
雲屏自天寫使君好客



非春申一憂已足無餘人哦詩五百盡清警立使江山景物新江山景物古來有前賢相與天長久近來百草漸埋沒賴有此詩爲一剖使君好善人如已侵板巾箱波遠邇良知何獨此麻城天下行聞爲商起我拘官禁儻杭葦跋望亭高衣帶水高唐想像賦神遊遊客言詩詩信美空書從學穆清風得見異書人見同解嘲不用潘邠老只在先生指顧中

香棠

舊說海棠無香惟昌州海棠有香驗之蜀道信然以爲不易之論樂圃有棠三本其花亦香乃知非蜀棠獨香香棠自有種耳

世間元有無窮恨海外棠花宮錦爛燒炙東風春未半濃裝獨立情繚亂博山爐冷沈煙斷記語洛妃池側畔桂衣透濕飄香汗舞罷霓裳高燭看吟苑散花灘彼岸亦有當初舊遊觀棠梨古逕霞光燦薔薇露冷衣新盥袖卷燕支紅入腕噴人蘭芷芳都貫天然種性真奇玩嶺海誠知煎可爨擬擷柔柯燃熾炭哀取細巾永傳玩它年留得重公案

鄂城篇

袁山野火春風吹驚騰萬馬爭奔馳烏龜阪頭蕃草木化作灰燼張天飛武昌佐史皆好古煑茗聯鑣訪城府狂生此意復不淺好事大家何爾汝鄂王城闕煙蒼蒼鄂王宮殿波茫茫今古都盧一餉頃不見古人虛引領毫殷豐鎬巴丘墟蠻荆興替將焉如死生建業信徒語石盆古渡猶

多魚古人已去安足齒近事紛紜尚如此君不見淮淝去  
歲是豐年如今千里無舍煙

次韻李浩然喜晴

我愧子康之治密其雨其雨而日靡神不宗始霽霈將  
爲有年吾事畢豈其霖霖澍霖霽霽又爲心首疾視將  
圭璧走羣望祈社祭門勤屈膝誠知惡積怒神天流毒匪  
緣寒自慄甫田千畝垂有秋刈穫敗之方秀實橫流場圃  
澆洋洋茁茁禾頭多耳出仰天何怨俯何尤退省過愆知  
自失牢愁僕僕事吁嗟風雨敢辭頻沐櫛忱誠雖至蟻蝨  
微舒慘蒼穹焉可必都緣民困聊生重以凶荒神以卹  
義和叱馭黑龍修倏忽清明開室不知帝力固全真謂  
我貪夫寧直筆

河豚

豈其食魚河之魴河豚自美吳江鄉臙蛙豕腹被文豹則  
如無趾黥而王我生甌東到閩方規魚貫見梅花裝梅青  
不肯候春雪荻芽靜嘯垂飛楊古來多魚吳武昌薄遊三  
月新初嘗西施乳嫩可奴駱馬肝得酒尤珍良無愁縷縷  
結中腸豐美肥膾如切肪外皮甘滑裏皮厚令人忘却美  
烏郎舉之東海來三江會聞清濁斯滄浪白龍未免豫且  
困膨脝唯唯浮魚梁氣衝毳鞠何彭彭地遠都無橄欖香  
不知跋入恣游泳極情性命徒爲戕腊毒厚味能人亾何  
須西子齊文姜甚美由來必甚惡直它一死言爲長鯛魚  
俗物休相妨良藥相傳海上方盧根槐子豈足貴生龍之  
腦黃龍湯

釣臺阻風去得風便

先生非釣名魚釣清冷水太空長廓然浪迹秋光淡人憂  
我何憂忘怒亦忘喜建武非漢元詎有留侯起神明旋地  
軸姓字更七里雲臺已埋沒嚴瀨殊清泚峩峩二釣臺高  
插煙霞裏首陽遠相比萬祀恒不圯我來經舊廬敢卜瞻  
遺八東風迴我舟江步時須艤仰觀巖像設敬拜豁煩鄙  
曾臺暢登臨無復徒仰止縈迂古道屈望望扳蘿藟崇基  
介崑石特立端不倚削成二山碧平止章如砥衆山鬱青  
葱環合紛礪礪清塵森萬象觸睫同一視古人不可見可  
見安仁美旅情殆忘返回棹西風駛青蒲桂一席入望俄  
城市譬如周變秦物物非古始乃知主人意待我非朱紫  
送迎因下風忙遽均倒屣烹茶出清泉盤饌羅雙鯉飮之

以珍羞浣濯予塵滓相忘語嘿間不假談名理去留唯我  
意今昔交汝爾此情固冥契何必親之子

張村

皇義叔已久澆俗無還淳如何張村叱咤杳全其真豈不  
有妻孥茅茨甘賤貧豈不憚疲勞務時勤籽耘脫俗未爲  
貴而今焉辟秦青城足躋攀那染龜城塵枸杞薦盤蔬殊  
非關養身安常樂有餘熙然阜長春笑其壽而康無知斯  
體仁靜言逐臭夫迷途少知津猥云老人村郊荒絕酸辛  
筋骨由堅強誰謂存其神井蛙議滄溟夫豈窺崖浪作詩  
賦張村逝將同野人

二女篇

天聖中韓魏公居所生憂從其兄琚守齊安卽安國寺

西廡爲書堂以居恒有二女子夜至衣冠高古容裝麗  
甚公恬不以爲怪及去二女告曰妾非人也亦非仙人鬼  
魅遊處再歲而言不及亂公德士也行矣卽推此澤天  
下走讀齊安記屈原之死二女孝慈亦于此投江故武  
昌郡人以五月五日競渡投角黍迎神舟上二女非仙  
人鬼魅豈靈均二子之精爽耶不然何知人如此之而  
後先居者莫之能見爲作二女篇

姪媵二美人幽閒真種性色秀雪窓梅衣冠儷修正巖巖  
韓稚圭寂寞自清靜虛室掃齋居展禽當季孟神遊問寒  
暄不得窺信行怪力視茫茫久要交善敬語之非異類安  
民公有命蓋聞楚靈均汨羅陳死証二子終孝慈雙玉澄  
江映當初黃鄂人盪槳追游泳端午花成俗龍舸張旆競  
事神微有道角黍勞將迎非鬼且非仙世士憑誰偵

記遊詩

延陵道士何希全爲人坦率狂易居天慶觀儕輩以風  
子目之走初識諸妻家嘒嘒然一多言人也甲申歲至  
西浙從婦之昆弟遊訪何之居則聞無人聲扣戶移時  
而後希全者出肅賓而坐不交一談同行怪之視其齋  
舍蓋疑塵滿屋胡牀雖設而拖泥之板亡矣意其非苟  
然於世者客退而主人不送客彊之不辭及門謝以無  
茶遂翻然而入詢其行事不語既有年矣晚遊崇勝佛  
寺過僧道一不值眎八案間無非貴人竿牘中庭有栝  
條不翦謂之龍華攷記案圖乃野菊之下品王公聞人  
爲之歌謠者至積秩而加多走閱短卷圖書謂必法書

名畫開編而視乃其繪夢成圖一日之間所遇如此若希全者可謂身如夢幻而道一者顧以夢幻爲真物之不齊有如此者因思列子之言爲發一笑而作此詩先生混物化浩若鶴與猿結曲此世間脩然脫籠樊冥心遂無物得意亦忘言客至不點茶猶嗔破苔痕相逢蜀成都過我故縣村遐觀夢中夢南膜佛因緣鄭人決真妄子產不能賢參哉天地間誰省物性偏夢覺各有殊從他見一邊浩歌歸來乎虛堂好書眠

跋蜡虎圖

刻木牽絲代不乏巧而偃師擅剗削之技吹簫擊石師有其能而后夔名制作之宗何哉蓋精義入神則神藏其用至誠假物則物狀其形寫物之工亦猶是也婦弟

元可所藏虎搏豕圖其枯條衰柳於菟剛鬣疏毛設色皆極能品之上至狀虎之蹲伏批豕頰而呶持之豕喘失聲手跑足廢精神形度曲盡一時之理視之使人毛髮森聳若彷徨乎其右也人以宣城繪人包氏善虎因以包虎名之走謂包虎之形但像虎耳至狀真虎之態包氏何足以知之夫真虎之形全於虎者不能到也故走定爲麗歸真畫而名之曰蜡虎圖歸真梁人宋太祖時以道士召對自言售畫得錢沽酒竟醉此外無能者嘗爲廬山道人寫鷄而燕雀不敢來集其畫喜圖牛虎常伏草莽以觀虎之出入或蒙虎皮而做其搏躍之形故其畫虎之工居神品上走知非歸真不解作此蓋惟歸真爲能知虎非走無以識歸真也因跋以詩爲之序

歲云暮矣露爲霜枯條脫葉衰柳黃郊原寂歷無人鄉  
牙之豕充稻梁舍廳以遊神氣揚有斑者虎蹲在旁低頭  
妥尾不大忙豕行過之不虎防虎往搏之益豕吃豕忙故  
步聲喚長虎如抱兒未遽央豕形雖在身命亡不如安之  
充虎腸得之紙本君何從仙人道士形已忘解衣盤礴裸  
宋王虎冠虎鞞虎跳踉百獸望之怖以惶寫鷓鴣鳥雀爲罷  
翔匡廬有潔清祠望請君懸之政事堂坐令帖伏犬與羊  
君不見大索之祭通八方盛德百世祠是常又不見螳螂  
捕蝸雀捕螳死生得喪不可償虎哉寧知蝟螭能爾哉是  
非遠在天一方君其寶之永世藏

孫元可賦張公石室詩句語險怪辭峰秀拔讀之如  
神遊洞府而陵果爲之聾屬也非身行此洞不知

此詩之工蓋其質似虛全而文麗多之如又加鞭  
當千里一瞬其視劉叉馬異得名浪矣詩文與我  
過當誠無足以當之牽韻勉酬真添薪煮蕢之舉  
君不見談天衍有言九州之大惟一州無論青冀并營幽  
我其放言學鄒子將子聽之無我尤我騎一紙白驢子  
梯跂踏走上南山頭萬里以意行一息不暫留谿僻到空  
洞且作秉燭遊呼來混沌老蝙蝠爾作精怪我則不從教  
激風怒竅拔木折石一去旬有五日而後返但是有戶則  
可由積蘇纍塊雖云巧達觀只與蟻壤侔我有五雲車駕  
以六蒼虬日月行已揭無人觸虛舟何曾見爾懸旌鳴佩  
朗裝欲飛動玉柱校立直以修大撓甲子有窮盡爾乃祿  
命難考求皇天大地僅若一雞子金烏玉兔銜得曉夜作

箭浮我不知爾許事政覺兩耳風颼颼託死不復生  
死可作道者流况乃漢時五斗米師星河耿雙眸  
石壇坐一千歲坐視生滅水上漚水上漚且罷休  
休無休於無作樂無樂於無憂仙人與世人壽夭  
如相齏清清爰靜爰自正此舉獨步不可儔信是  
神仙足官府蜂房戶牖封君侯我偶作此言不比  
亦不周為何孫卿子謂我阮與劉為我謝孫子我  
才愧爾天一畝不如且飲酒耳熱徒歌謳可以銷  
遣綿綿不斷萬古之悲愁悲愁銷遣幾時盡萬古  
之後重有萬古來悠悠

春愁詩效玉川子

春陰苦亡賴巧解窮彫鏤入我方寸間釀成一  
百萬斛傷春愁我欲挹此愁寸田無地安愁荔沃  
以一石五斗杜康

酒醉心還與愁為謀愁腸九轉疾車轂擾擾萬  
緒何綢繆愁思儻可織爭奈百結不可紉我與愁  
作惡走正千尺高樓千尺遡雲漢只見四極愁雲  
浮都不見銅盤之日缺月之鉤此心莫與明愁來  
壓人頭逃形入冥室關閉一已牢周遮四壁間羅  
幕密以綢愁來無際畔還能為添幽憂我有龍文  
三尺之長劍真剛不作繞指柔匣以明月通天虹  
玉燭銀之寶室可以陸剗犀象水斷潛伏之蛟虬  
云昔黃帝軒轅氏用斬銅頭鐵額橫行天下之蚩  
尤擬將此劍斫愁斷昏迷不見愁之喉若士為我  
言子識愁意不愁至不忘以愁生有來由閑愁不  
足計空言學莊周日中之景君莫避處陰息景景  
不留疾行嫌足音不如莫行休因知萬慮為縈愁  
之繚忘懷為遣累之舟歸來衲被蓋頭坐從

他鼻息鳴駒駒取友造物先汗漫相與遊朝躋叫閶闔夕  
駕樓丹丘天公向我笑金母爲我謳酌我以瓊漿玉液朝  
陽沆瀣之濃齊俾我眉壽長千秋却欲強挽愁作伴愁忽  
去我無處蹤跡尋行陣惟有春華鬪春媚一一情綯開明  
眸又有平蕪綠野十百千萬頭鈍悶耕田牛踏破南山特  
石頭

貴遊行

沙堤大蓋何穹窿底人佩玉鞶蒙狻如熊虎馬游龍誰  
何出入咸陽宮笑刀瓠體顏芙蓉步趨持重爲雍容諸侯  
爰統掌百工調元爲職禪九重萬錢一食聲鼓鍾猶言下  
筮終無從異時糠噉腸不充家徒壁立其室空  
文彫蟲繪爲綉句欺南宮不分菽麥儔知儂且無萬卷亮

胷中脂韋媿嬰陳小忠竭民膏髓自爲功榻前觸事惟迎  
逢肯思責難始爲恭君王謂賢拜三公門如沸湯賄賂通  
財伴縣官邑侯封積金猶欲齊潛畜家有錢爐非範銅賣  
官鬻獄揚成風後房的爍燕支紅皆民女婦來無蹤有憂  
失得常忡忡殺賢賊能摧英雄汲將同類寒要衝害苗之  
心饒蝗蝻忽彎射羿逢蒙弓怡然自得豁心胷黯如抹漆  
何赤衷向人自欺咤匪躬高自標置人盲聾言立便擬稱  
儒宗學禪逃俗坐談空元非友朋相磨礱世間將謂無軻  
雄言出波流士與農却矜巧宦官既穹笑伊魯儒嗟道窮  
那知達人節青采眎而土苴及蛆蟲古今異時理道同茲  
那未必皆令終君不見晉朝失國隳金墉爲奴爲齒豈惟  
懷愍巡北戎



谷里章

上有青山下有滄洲步有回波面有紅流吞吐嵐雲呼吸  
蒼鼻審能處之可銷憂退谷中人帶笈簪山中繚繞茅舍  
旁寒泉之流激琅琅雙石西峰我在東無情鉤加此漫郎  
性情荒浪氣志剛東鄰之人揮鉤車胎鰲孤鱗浪屋加鉤  
綸相投不遑舍聲辭會懾歸吾家我裝我笠聊自娛沒溺  
愧彼鄰舍漁沙門招提宅谷西金僊宮殿雲漢齊撞鐘擊  
磬禮耶毗子欲詣之持清齋箇中有人坐無爲飢食困眠  
氣答醜撫掌怡然笑呵呵吾昏將奈此子何漫歌八曲音  
清冷風高水寒三歎聲勿哦大洞修黃庭谷中之樂實難  
名長江北來樊水流東樊山水曲天回中儵儵之魚泳洲  
洋鈎舟漁人鼓鳴榔浩歌一闋浩滄浪終焉無求漫用忘

大江之東叢石起谿衍聚石江鳴水小回中間浪不惡釣  
臺嗟峨瞰城郭去來客船是中泊漫成二闋回中曲豪人  
仲謀當漢衰建安之際鼎祚移江淮萬里吳帝之冕旒十  
二龍卷垂輅車華蓋日月旗荒墟之中不可求宮室故處  
春草青長刀大劔可治生我先用老相次耕大夫勸相歌  
三成江北洲西陽國蕪城桑柘彌阡陌婦可力蠶身力穡  
四歌不用愁衣食一元大武牽何之良田附郭吳東陸牧  
童田父麻單衣叔閑修治木馱馱從吾真者真吾兒西陽  
罷田飽飯嘻五歌六歌神自怡李甥叔靜蕩兩漿弱翁將  
船欲安往大回小回閑釣魚送客便擬酣醺如酒徒之謂  
漫浪名世俗交加漫不聽行無惡客相逢迎醉歌七終將  
八成杯樽坏湖上坏亭浪翁杯飲醉少醒嬉然自打舴艋

行菰蒲芰荷出青萍仰天大笑風冷冷坏湖西南爲退谷  
壽藤纍纍縈壽木涓泉奔注匯樊圃醉耳瑤璣亂鳴玉城  
中友生縮銅墨身備四殊攸好德窪樽日醉主與客挾以  
石門天地窄坏湖退谷人好游可厭之類乃所羞忽焉草  
木成高丘此游此泛生幽憂泉明之風繼者誰士源孟子  
接武來嚴霜皓雪春風熙倒置日月寒溫移來游者子充  
良子能得之可勿疑此道不迂不回適子能識之可游佚  
勉强行之今是古谷中之人君踵武狂生作此谷里章意  
追浪叟俱商羊松風颺颺蘭草香與君壽考終不忘

水心詩鈔

六七

葉適字正則温州永嘉人淳熙五年進士爲節度判官  
以薦召爲博士兼實錄檢討官嘗薦陳傅良等三十四  
人於丞相皆得人林栗劾毀朱子適上疏力爭以是重  
於儒林預寧宗內禪議左右趙汝愚汝愚貶亦罷官旋  
召權兵部侍郎韓侂胄欲立功出師適艸詔以動中  
外改吏部兼直學士院以疾辭適不能止其行第勸其  
先防江不聽兵敗以適知建康府沿江制置除寶謨閣  
待制措置頗得宜會侂胄誅亦奪職奉祠者十三年以  
寶文閣學士卒年四十七謚忠定詩用工苦而造境生  
皆鎔液經籍自見天真無排迕刻縵之迹艷出於冷故  
不膩淡生於鍊故不枯曾點之瑟方希人之酒欲清

其意味足當之

馮公嶺

馮公此山民昔開此山居屈盤五十里陟降皆林廬公今  
去不存耕鑿自有餘風篁生谷隧雨旆來岩虛人隨亂雲  
入咫尺聲相呼四時草木香異類果藪腴採薪得崖花結  
綴成襟裾此亦佳窟宅可對幽人娛何必種桃源始入仙  
者圖甌閩兩邦士洵洵日夜趨辛勤起芒屨邂逅乘輪車  
山人老白首名氏不見書我獨何爲者拊身念居諸

送鄭景元

兄弟同升難高材自摧角官多復不記四載禮南嶽一朝  
盡室去菲食遭歲惡丈夫軒豁意快緊出鷹鷂忍事得無  
慚信有古人學建安雖閩壤桂樹美可樂合抱更連理叢  
生蔭州郭歲月歷幽長根株見齟齬終當作大厦積功在  
雲壑尚友如此君蒼天未爲薄

題賈儼不忘室

賈子好脩士躬耕鹿岩阿茂木俯青泉幽處堪逶迤有室  
淨琴几圖史參前羅獨能取我語標榜相巍峩我語不必  
記子意固足多物之徇外者迅若橫流波當其一念覺併  
胝駐崩渦神丸起痿瘵厚繡還暄和倫類苟通明軌轍寧  
舛訛但憂所見弱繚如附松蘿輿薪豈不暗奈此斤斧何  
勿令學高山所至纔獻坡如於衆穉裨收拾同穎禾雖云  
善端在坐悼良時過子先發曹掾仁義躬濯磨活人不知  
數一善禳衆瘥每識飯牛下有作甯戚歌至今鄉里敬墓  
栢垂霜柯子質復粹美藻火兼佩珂中夜再三歎警策自

詆訶未合者參辰已逝者江河所願天爵尊非必貴決科

陳同甫抱膝齋二首

昔人但抱膝將軍擁和鑿徒知許國易未信藏身難功雖  
愆歲晚譽已塞世間今人但抱膝流俗忌長歎儒書所不  
傳羣士欲焚刪譏訶致囚箠一飯不得安珠玉無先容松  
栢有後艱內窺澁澁息仰視冥冥翰勿憂兩髀消且令四  
體胖徘徊重徘徊夜雪埋前山

音駭則難聽問駭則難答我欲終言之恐復來樽杳培風  
鵬未高弱水海不納匹夫負獨志經史考離合手捩二千  
年柔條起衰颯念烈儻天回意大須事匪偶然不施用甘  
盡齋中榻寧爲楚人弓止矢任挽踏莫作隨侯珠彈射墜  
埃塼

超然堂

晨興詣曹參使驛傳呼趨庭頭頸屈退歸闔戶胥吏玩過  
門掉臂不入室宅舍空荒轉顏漏騶僕藍縷常寒乞此堂  
豈可更超然乍可鞅掌中佛鬱每憐莊周齊物論遣詞曠  
蕩遠經律獨稱松栢受正命舜何人哉盡倫匹萍實浮沉  
江漢遠劍氣騰擲牛斗出招徠鳳麟已悠緩琢磨圭璧強  
堅密檐擎自貴竭人力起倒相因廢天質古今問學滿天  
下分寸毫釐難細詰以茲凜凜觀萬事口不敢言心自失  
今朝幸續省倉米且以糜煎飽時日

再過吳江贈僧了洪

回飈捲夾浦勢與黑樓頽連袂上長橋身弱屢見扛荷無  
傾覆憂恣橫未易當坐定互驚愕師云乃其常有時氣力

雄駕浪拍此邦熟風無失舟小艇來茫茫始悟寡所諳論  
改色據張衛小以爲大空令事難量玩變不親微亦爭智  
之方已矣勿復云聞鍾過石塘

靈巖

穹窿右俛眉天平左垂鬣吳人宅沮洳茲山抑其鎮陟起  
爲表著突兀數尋仞樛松頗堅瘦立石乃榮潤兼有千里  
陂沓靄來遠韻宜乎登椒丘擺落患奮迅亾主未亾時絕  
色館孤峻歌聲妙欸乃俎品窮蛤唇援琴固停暑解甲仍  
轉瞬終歸寂寞人破釜煮枯董陳迹不足弔新締何勞問  
三年姑蘇驛空望此塔近適當熟食節煖氣無已吝豪風  
增春愁異雪損花信聊以壯遊行歸受兒女饗

葑門

遺墨固藏神希聖非立我斷後輒無前實右卽虛左品定  
賦織洪義明分勇懦端木語衛文洙泗皆卿佐孔子叙夷  
齊後進尚嵬瑣從來一大事幾作鴻毛荷知非言所及結  
網魚受課誰持空空質放縱無不可茲門小精廬荒寂衆  
萬過欣余二三子拙力守飢餓楊花安得攬飛去天隅唾  
唯有露垂垂滿畦紅藥墮

齊雲樓

天下雄諸侯蘇州數一二都會自昔稱陪京今也貴奕奕  
煥重樓岩岩立平地虛景混空蒼囂聲收遠肆闔閭雖散  
濶欄檻皆堪記向非土木力焉能快高視湖山西南維江  
海東北堅舒緩未爲忽疏達終多智窮民一宵燈細巧雜  
紋織豪士三春卉妖麗亂名字侈甚見精誠富餘輕講肆

先朝豐豫日應奉稽古義花網飛入汴石林鬼浮泗天然  
造生活始者行賑施王公占上腴邸觀角奇致是邦聚瓏  
璨四顧盡憔悴狂 誤濡足遺燕等交臂艱難屢省方薄  
遽虧頓置因循墮和好俛仰銷年歲翻憐井邑盛又使編  
氓匱頗云魚蝦微亦已困征稅人生賤苟免所尚剛強氣  
呼鷹飽何時暴虎怒斯易吁嗟久悒悒胡爲長惴惴夜聞  
踏歌喧激烈動哀息吳俗固捷疾吳兵信蠶利項梁起讐  
秦子弟奮投袂功成須力到豈必資黠慧寧羨鵲居巢盍  
如吟有類未發忌先聞因詩良自喟

虎丘

虎丘之名歲二千虎丘之丘何眇然衆山爭高隱日月笑  
此拳石埋平田雖然培塿疑異物劃開陰崖十丈懸家中  
有恨索遺指亭止無語傳枯禪偏是吳人愛山急逐面分  
方誇凭立屋承隋唐良穩稱墨題熙豐尚新濕松梢莫遣  
風雨橫石盤自添苔蘚澁春來春去吳人遊足蟹層巔踣  
應泣

北齋二首

頻年寄全吳解字雜營保前廳久傾壓後舍岌欹倒常因  
霖雨後壁壞不容掃跳蛙浴漏瀦野穀媚穿杲以茲違色  
養先還媿親老低頭謾商歌瞪視豁愁抱當身良易足遺  
後非長道幸今脩整畢楹桷正完好晴窗閒晝永夜榻初  
涼早友朋坐雍雍燕雀鳴草草居室君子後葦門固爲寶  
矧伊澤國士敗棟滅塗潦繆充使者屬職思振枯槁人之  
所歆羨未必天能造卷藏姑罷歸蠹簡說剛浩

人情無終極匪陋則求佳寢處既少安遊燕豈不懷惟思  
舊酒務糟醇荒榛埋破瓶聚隆垤新甃連長堦種竹夾超  
然移花遶北齋及爾風露清忽感意象諧幽深容浪蕖潤  
澤長芳葦亭亭兩高梧買自婁門街俟以歲屢寒宵若萬  
仞崖吾留能幾日齷齪強安排方嫌樹影瘦復慮地勢低  
世間香味悅每與腥羶偕雅故使鄭清法語仍進俳俯同  
侏儒笑但恐好惡乖莫窮有限物狗此朱腐骸

贈訥相

柯山訥相醜形模以相獲妍如子都每將氣色較官簿初  
若搏影終探符劉公實陞提刑丘宗卿加龍圖就中兩說  
最稱驗余耳所逮非人誣汎言心事依勸戒多假名器煩  
邀呼君門九重遠萬里求者爭道分榮枯一身暫寄百骸  
聚植彼朱紫誰頭顱子其惜術無浪許恐負西山之餓夫

送鄭虞任赴京西檢法官

春風逝無涯夏潦生未已思君溯江漢行鏡業難止事繁  
絲唾亂神靜魚鱗理前年浙東幕借助獲專差邊頭值閒  
暇人物盛儲峙荒村魚米場孤戍花藥市雅知足禪味翫  
世失憂喜但疑柳上白時雜髯間紫豈非久不適感歎妨  
隱几回首舊隆中畦壠長蕤蕤

張氏東園送王恭父得殿字

燕鴻不相須進趣自求便余來君其館乃復當我餞一春  
三月雨亭樹鬱霧澱絮重厄飛揚花蔦堆紫茜縱有百壺  
清何能一笑遣爲郎昔同甲四海初會面凜然抱英特霜  
字搏溫霰雄辭推落筆一語不可遜重來更純粹玉琢金

九八詩金  
六  
說鍊漢家闢道術四達詔羣彥談經石渠觀會議白虎殿  
通方要歸宿立異豈夸衞子行若微罪天意委深眷以其  
今固辭可信非始戀楚熱宜縹緜峽漲難短牽回舟泊書  
林及此未掩卷

奉賦德修西充大夫成都新園詠歸堂二首

浣花炫春澁濯錦絢晴浦成都信繁會此水工媚嫵豈無  
濠上亭感步難仰俯誓言違市朝卜宅近幽阻沃沃葵莧  
畦焰焰棠杏塢朝曦濕淺瀨暮色生遠渚循涯詠未厭引  
流絡其圃蘋荇依籬樊鳧雁宿庭戶長松百里外物象爭  
渺莽時平乏隱淪蓑笠自歌舞岷江志東向激射走吳楚  
胡爲滯淫之習坎聖所許

我生海旁州古言江來鋪力浮萬頃盡坐識一溜初之子

酌彼源紺潔玉斗邴雅韻舒煩憂逸駕陵趙趙詠歸有何  
意豈亦歌風乎湛湛遊無梁滄滄濟無桴縱橫洄伏中暮  
齒將焉需三閭始開闢十畝終耘鋤東西兩莊舍兄弟相  
磨呼緬哉趨前規更作却後圖顧息曲肱樂一身匪求餘  
我獨無家歸羨子鐫自迂

送李鄂

蓋代才難看獨手衆叅聞見其來久流風莫盛元祐時崛  
起誰當紹興後嗟君探討窮一生心通文字難力爭雀啄  
雪籬閣筆坐蟲吟露草繙書行已輕富貴須臾爾萬一姓  
名傳野史只愁垂老絕知音自送青編滿朝市余之視君  
尚少年題玉爲礪何所賢期君更盡未死日舉世不信方  
知天



醫工歎重贈柳山人

柳生洲居濠北邊，繇辭質野誰所傳。不曾入城行賣藥，有問灾福須呼船。歎我奇疾何頻年，其初過清肌凜然已。忽腹拒遭拘攣，一身盡異形質變。恍若土木徒入言，蚤知定性不生滅。今安得爾庸非天，醫工刃人死無律。妄談標本從何出，補勞護弱轉疑聚。排寒盪濕加淫鬱，挾風上行關膈失。逆肉糜皮併爲一，猶云無傷乃餘疾。生雖憐我謬時命，豈悟顛倒緣此物。彼蒼應有司殺者，授柄於工無乃悖。我勞萬事明當休，自古零落歸山丘。但疑未死復不活，熟視重爲諸醫羞。餘聰殘明不可留，治命已乖妻子謀。執訊空貽朋友憂，柳生聽罷掉頭笑。既有主對非吾尤，山歌靜夜聲宛轉。更着此曲歌中流。

宿石門

好溪瀉百壑，南北傾萬峰。山凡堆阜俗，映岸羞爲客。石門忽秀出，老幹蔭淳洪。捨舟從口入，便已離塵中。衆芳拱窟宅，環峒獻奇濃。藤蘿異態，尺寸疑施功。錦茵翠織成，照耀無春冬。水行千丈高，飲薄不可窮。更有洗頭盆，雲深霧常封。昔年謝康樂，築居待其終。繼作者丘裴，語言亦稱雄。邈然百世後，未忝騷人風。栖栖三羽衣，日晏齋厨空。之子歇過槩，暫洗氛埃胸。自歎雲淹留，寂寞不易供。嗟我老無用，佞山久成翁。結廬會昌側，勢落魚蝦叢。種竹似束韋，栽松如斷蓬。小兒餽盆盂，何時至周公。會當同此往，代翰助之春。

淨光松風閣

城中雲日如火催淨光行食聲轉雷不知何處白蘋起便  
有滿坐清風來莫言作樓非急務翁當運斤兒執鋸待得  
三間着此風病叟扶攜上樓去

朱娘曲

憶昔剪茅長橋濱朱娘酒店相爲鄰自言三世充拍戶官  
拋萬斛嗟長貧母年七十兒亦老有孫更與當壚否後街  
新買雙白泥準擬設媒傳歸好繇來世事隨空花成家不  
了翻破家城中酒徒猶夜出驚歎落月西南斜橋水東流  
終到海百年糟丘一朝改無復歡歌撩汝翁回首尚疑帘  
影在

送曹器遠

曹子苦心懷百憂古人遠矣思同流平生未得雄豪力今

日便育卑微休麻源洞裏瓊葉雨南草市上蘆花秋十年  
老語爲誰了西望滄江空白頭

新移瑞香舊曾作文忘之因今追憶云

一株當三春名花不易得百年等尋丈不博千乘國野人  
三十本強賣青銅百應怜附蔕具苦爲薪米迺移栽向明  
陽妃媛儼行列土膏合根性功用成夙昔除香出淺紫泣  
露輕脉脉含愁欲誰訴折去情更惜方求蔽蒂陰未受搔  
擢厄嗟余自羈旅何以慰新客慙勤深夜來少待山月白  
與英上人遊紫霄觀戲述短歌

野水隨路曲東風得木鳴景物已和柔川原倍敷榮茂葉  
高旣條細草亦叢生眷言雲外士及此塵中行南臨大陵  
出波面與心平道旁古精廬黃茅間榛荆會集傾遠村裳

衣自鮮明銀釵插仙丹歌笑喧嚶嚶何以勞比隣  
糶糴去年穀不飽白骨今縱橫等爲造化役未究悲欣情  
歸來日已夕舊徑成溝坑大車者誰子不寐方宵行死魄  
未滿眉摘埴將安程感此良自哂抱谷非鸚鷗

月波樓

下林百菓春自花屋藏汀陰泉着沙光風膩雪誰安措頰  
紅密翠空欹斜愛君樓高出江上百里江山開四向峻屏  
森聳遠更寒紋練縈回靜猶浪孤潮夜卷西頭來海門推  
出水崔嵬豈知星河遭映奪只使鸛雀常驚猜此村風俗  
淳且魯接樹移花今復古勸君種學化兒孫不須擁妓呈  
歌舞

賦董李興玩書巖

玩書巖裏刻成真水簾花髮春復春一朝斂策去何所來  
者對之如古人美哉骨清神亦爽西瞻匡廬東雁蕩滿車  
圖書常載行到處名山留塑像

蜂兒樵歌

平林常樵啖俚蠻玉山之產升金盤其中一樹斷崖立石  
乳蔭根多歲寒形嫌蜂兒尚粗率味嫌蜂兒少標律昔日  
取急欲高比今我細論翻下匹世間異物難並兼百年不  
許羸栽添餘甘何爲滿地澁荔子正復漫天甜浮雲變化  
嗟俯仰靈芝醴泉成獨往後來空向玉山求坐對蜂兒還  
想象

登北務後江亭贈郭希呂

壁上陋室銘門外剪茅亭小市魚蝦散寂寂大江風浪來

冥冥郭翁雖老猶貌澤腹貯今古心和乎只應獨將笏拄  
頰清坐都不挂毫髮何必隨逐欄頭奴日招稅錢三萬億  
前靈運後延年桑麻舊國常宛然城頽路闕總令好不知  
於人安穩否

送程傳叟

茂苑臺高春日明君顏如花楊柳青蕭條別離風雨外楊  
柳自青君貌改誰知仰天愬天公三辰五星在心中老作  
海頭新主簿蜃氣錯雜迷西東去年無禾雖種菽乞命只  
指今年熟家人未可便喜歡少待上司催結局

露星亭

斗杓點翠爲此城四郊環拱來遙青知君欲覽衆山小取  
博磨就天上亭身心合於高處着萬象不語森溱泊古今  
日色遍淺深志士可惜虛光陰

明覺寺

雲山尖頭海潮湧九月天雪山葉重道人高絕但危坐山  
魑野虎皆趨拱住山三載兩遭荒侍者餓損扶參堂沿村  
索米未爲耻莫令木魚化龍鐘透水

送王通判

左原冢孫產巴東山靈地秀兼長雄自小赤心天與通可  
惜五十方治中北風吹沙暗中渡不合吹君落南去水有  
子魚山荔枝借我箸食前籌之

自羅浮行田宿華嚴寺

浮山昔飛至與羅合其巔嚴冬樹色改青松耀紅鷓不種  
自生植屢伐常蒼然我病不暇耕行復觀我田呼扶偃蹇

後情護龍鍾先僮客四面集哇噓相勾連敢云歲晏休翻  
犁趁晴暄民政今古殊憂樂豈異源收身卧荒刹朗月前  
夜圓鵲懶附枝靜聽飢嗅牀穿爲農悔不早時發棹歌旋

送鞏仲同

花溪初逢日苦短滸洲重尋意更長天催鵲鴿玉樓去漱  
流不並龍洲旁春風忽高行旆起酒盡何如添野水古來  
交契看老時與公安得輕別離

送公退思四川分司茶馬幹官

棄繻詆關吏廣殿射高名方從媚子引豈料讒夫傾京師  
恩暮降蜀道險朝升執手郭西門惻愴難爲情有山擎空  
雪有合匝底冰鳥樂謾後譟猿孤定先鳴漢中王霸地從  
爭崩摧韓信壇關落張魯營感子奮衣去客孟意

自輕笑我老何怯萬里今橫行

送龔叔虎

寺暗莓苔深歲潦雷電粗問胡旅窮舍鑽燧煮萊蕪答云  
自孩童蚤識竈下梧逡巡四十載翻着火上爐今昔豈異  
能聞見終殊途德衰嗟教薄筆退伶詞枯何以充我求往  
衆歸裝孤子文如繡鞏子行如水壺世惟春華翫爾用秋  
實舖去從孔鸞翔勿受斥鷃呼

趙成父築亭上饒卽用東里舊圃榜曰魚計

秦僑洛寓隨南公新修復欲無開封亭名若有土斷法鄭  
圃豈在章泉中舊魚遙應化龍去今魚且復波間住入爲  
魚計魚未知今樂莫忘昔日悲

許敬之用余言作松山草堂然遊山之意猶未已也

申以爲箴

許子一住松山邊門開路闢登山巔千年茂樹不敗葉百尺甘井常流泉堂中悄然人境絕時有剝啄延臞仙天下之山皆若此捨而外求徒喪已早能蘊高而爲謙高能生明是爲貴芒鞋價長今安之撰屨欠伸吾老矣

送蔡子壽

彼友蔡氏子任也堪將相唯儔亦異材朗立萬人上吾嘗扣其微事詣理亦暢雨露待堅成風波豈凋喪醯雞發淺覆監虎背新樣侵尋墮老醜關茸屢監當繁霜生野色行李正悽愴恐子復未平因書寄無恙

送陳壽老

天台雁蕩車接軫青田又促半潮近冠岩帶窟無俗情秋幹春蕙競時盡土望絕華軒過其誰幽尋穿薜蘿更抽奇筆向雲射破的疊中千駕鵝古今文人不多出元祐惟四建安七姓與天道亦得聞伊洛尋源未爲失閩風招王遊太玄麻頭制尾中興年黃金鑄印宥輕佩定把堯舜陳王前我家罄懸仰見斗簸君紅旗魑魅走密房燄短夜更長雪高水深去無鄉

題鄭大惠詩卷

憶從草廬赴鄰炊澁雪攪筵糟涌糜要當醺酣活膚湊不許雕刻妨肝脾何年兒孫錦褌裂金塗門扉玉爲切吟中得眼萬象通浪吹狂歌總休歇兩家至今住連牆讀書聞雞夜相將經明先入韋平室句好還升李杜堂

孔鍊士話龍虎山之勝於其行因以送之

羣嶂倚天傍四環中峰受拱低伏蹲雲錦交流紫團外却  
注彭蠡如傾奔道陵已去丹竈冷今代符行妖鬼靜孔師  
何事亦逃儒爲愛冰林雪蒙頂我居無山冬不雪只受虛  
空滿輪月子能作意宜重來更待墻東筍堪掘

送呂子陽自永康攜所解老子訪余留未久其家報

以細民艱食急歸發廩賑之

收纓古蜜浦抱袂生薑門九九書自註邀余綴篇端久衰  
余學廢彌隱子道尊時維冬雷數雲雪常晝昏火把起夜  
色丁鞮明齒痕小邦肥荇闕鰕蛤濫充盤椒橙失滋味糝  
絮勞傾吞詰朝報家問剪書徵阿孫苦陳鄉人飢采蕨啖  
其根倉封井花滿淘米安得渾覓翁如覓父願假東飛翰  
念之不遑處喟焉整歸鞍我老澹百慮身世兩莫存欲私

一壠潤豈救大培乾西城柳搖搖北寺江漫漫勿令嗟來  
死以慰行路難

送葉任道教授之官靜江

太學奏文夸第一國子先生裏行立嶺南梅花太枯澁花  
豈喚入人底急爐亭雪深叫孤鴻傳書爲愬明光宮雲翻  
雨覆古來有不如堂堂金石守

送陳漫翁

笠澤老龜蒙編卧絲自裏君從蓮葉畔親領末後語憐我  
未得聞獨爾受長緒因茲服英悟郁郁副奇許士於淪胥  
中搏手架欄柱一瓦不漂零百世保風雨轉圍信無難滅  
木猶有懼高翔要深泳厚積堪重負狂波浸三伏回壑萬  
流阻旅情方夷猶霽色待舒吐樵峰濃黑散蓼岸微紅聚

進舟石門灘小泊看佳處

端午行

仙門諸水會流下瓦窰溝中有弔湘客西城南北樓旗翻  
稻花風棹溢梅子雨夜羅無騷音絳紗蒙首去

趙振文在城北廂兩月無日不游馬塍作歌美之請

知振文者同賦

馬塍東西花百里錦雲繡霧參差起長安大車喧廣陌問  
以馬塍云未識醪醑縛籬金沙墻薜荔樓閣山茶房高花  
何啻千金直著價不到宜深藏青鞋翩翩烏鶴袖嚴勞引  
首金蔣後隋園摘藥煎凍酥小分移牀獻春酒陳通苗傅  
昔弄兵此地寂寞狐狸行聖人有道賁草木我輩栽花樂  
太平知君已於茗水住盡日鱗聲搖上渚無際滄波蓼自  
分有情碧落鷗偏聚追逐風光天漫許拋擲身世人應怒  
君不見南宮載寶回何如趙子穿花去

王宗卿答春堂

春以喻母慈慈深春不如兒欲答母恩恩重答無餘華堂  
頓有雲嶺隔夢裏分明與親劇阿連進奉新批勅翠裘黃  
簡緣兄得朝騰五章乞祠官願身暮歸怡母顏老農邀君  
勿輕去萬紅千紫扶春住雨田自種晴田收好是天留答  
春處

送鄭文赴建寧五首

過家鄉里敬將母士夫榮得失從人論行藏獨自明百年  
中古少一笑萬金輕廉士吾何敢新茶可擷英  
有志雖身健開心在歲寒一時諸老盡多見大名難湖海



方連旱甌閩適少寬爲州人不乏千萬強加餐  
清廟圖書寶熙朝雅頌音頻繁三節召荏苒三毛侵衣食  
家纔足丘園意亦深卧聽牀下士時作武侯吟  
海內言華萼功名動稽紳十年長隱吏一語必驚人酒量  
新來減交情老更親公知如促膝刺把古書陳  
屏棄誠愚分牢愁更索居若逢知己問猶解課兒書地僻  
門長閉年饑菜自鉏相望無一事不是故情疎

何叅政挽歌二首

退食勤稽古當朝動引經人心喜偏側國脉要勻亭二府  
蚤聞政三孤晚告靈羔裘惜光彩不宥到頭廳  
宿昔叨殊眷尋常款直廬聽雞催謁駕立馬待紬書零落  
誰存者追尋昨夢餘何曾嘆石介韓愈自狂疎

題費肅校書遺事

欲識隱居者當年費懿恭却辭金馬直歸卧錫山峰兩詔  
終不起一瓢長自從兒孫盡登第勿剪舊栽松

送鄧諫從制幹

援引亦未力聲名空復傳終攜太平策還上蜀江船帆色  
桂曉月艣音穿夕煙滄波不盡興收拾浣花邊

題柳山人壁二首

水北柳六一家傳擲卦靈秋清演漁曲春近著牛經掩肆  
花竹秀排門柑橘馨應憐喜功者虛要峴山銘  
我病屢移卜山人不面謾常言千日厄未許一朝安地土  
庸醫滿天邊惡曜攢歸根與復命自笑此何難

宿覺庵

宿覺名未謝殘山今尚存暫開雲外宅不閉雨中門麥熟僧常餓茶枯客謾吞荒涼自有趣衰病遣誰言

贈勝上人

近日能吟者黃巖說勝師語生兼老筆體重帶幽姿遣臘米千筋勾春柳一絲方山最高頂不擬到茅茨

題張提舉園

竹外萬雲合荷心一雁來若無歌舞鬧應有鬼神猜野岸鉏難遍幽根煖易栽前山未放入好閣更南開

送謝希孟

白頭趨幕府蚤已負平生未放鵬舒翼應須驥斂程驛梅催凍蘂柀雨送春聲為語常平使開懷待子荆

贈徐靈淵

歐虞兼褚薛事遠跡為塵今日觀來翰如親見古人盡歸嚴號令富有活精神碑板荒唐久過看走四鄰

戴肖望挽詞二首

巖巖蕭太傅蹇蹇鄭尚書可惜流光晚翻無急詔除交梅蘂盡衰意柳芽疎只有安江滿長涵夜月虛老夫平生友悲尋路轉迷水肥應返釣田瘦合歸犁草與地蕭瑟雲垂天慘悽無因再商略短日送寒雞

贈蔡茂才貫之子與

蔡家五千卷藏向石庵中講誦今幾日飄零隨隕風隔垣孤響度別井暗泉通安得無爻象與將吾道東

余知府挽詩二首

壽者福之首中兼典郡來聖知天上事磨盡世間材此際

靈龜往何方化鶴回所親都不恨有識自興哀  
憐我抱空意鬢間饒白絲已從真率集那復少年時柳絲  
春前葉松鏤雪後枝建炎無故老難話省方悲

贈聽聲歐陽承務

無心立臧否有術驗榮衰舉世聲中動浮生骨帶來彈輕  
知福地歎小應靈臺笑我老何及是身惟死灰

送包通判兼寄滕季度

風雨逍遙地衙排印麓新鈿車分路濶寶瑟聽歌頻燈市  
曉侵月花田晚占春却過張翰宅方信有閒人

趙尚書挽詩二首

材業將時偶聲名鬪寵新文昌留不住大尹政通神力說  
和戎好從撩相國嗔春花插秋髻還得自緣身

江北江南曲吟高許和同相迎黃篾浪失笑白蘋風老病  
猶貪活漂零各隕空長懷洞庭橘買宅傍牆東

贈盧次夔

家住東郊深能詩人共尋水梭間道錦玉軫斷文琴城漏  
宵添滴牕花晝減陰新涼白頭句清甚費悲吟

送趙幾道邵武司戶

無灘秋水平有句官曹清楊柳欲落盡菊花愁晚生書多  
前益智文古後垂名功到濶深處天教勤苦成

贈李秀才順之

怒漲爭茅竹安流節斗門行苗存水則縮板護河源士李  
昔陳義守奚能聽言便當生廟食禾熟賽雞豚

送侯居父

宅古竹陰晚書殘燈焰稀深知靜者趣轉益宦情微別殿  
行催甲休工坐掩扉御前清切地重得薦皇闈

贈高竹有外姪

娶女已爲客參翁又別行相隨小書卷開讀短燈檠野影  
晨迷樹天文夜照城須將遠遊什題寄老夫評

沈氏書堂

應與石渠並又疑金匱存晒書天象切浴硯海光翻我老  
行罷讀君材重細論猶言無一字大道始歸根

薛子舒墓

悒悒西門路樵歌占晚雲憐迷玉瀾宅蒿長孟郊墳少病  
憐鑿錯題書與父分又言重把筆兼欲使余聞

項君先有幽興堂其子木卽以名庵

平生意外事身後有誰知魄靜雲稀出神遊月共移春茶  
翠旗展霜荔錦幃垂更欲添幽興惟消桂幾枝

施翔公掌教長沙

著蔡羲前識簫韶舜後音追回賈誼貶喚起屈原沉湘水  
汀烟濶梅花署雪深余行陳迹久因子一微吟

送陳約甫知永豐

四十未朝蹟三經縮縣章嫁頻知子熟醫老悟身嘗菊趁  
行時色梅催到日香還欣肺氣減中熱變爲涼

曾晦之挽詞

交遊盛處失駢駘筆硯窮時縮碧藍驥老尚能舒駿逸龜  
潛終不慕芳甘壽過八十人人羨恩在鄉閭事事談埋沒  
平生無限意夜深樵唱起溪南

中洲處士折梅花并新語爲贈率易鄙句爲謝

中洲之中十樹梅蟠枝着地照蒿萊卽非無主憑誰伴自  
不衝寒要早開午蝶只隨遊子意暮笳難寫遯夫哀幽篔  
寂寂天應笑插向歸帆雪滿桅

送劉德修時在京口

日日秋風江倒回江邊執手重悠哉兩山只欲當中住一  
舸還應却下來說與蛟龍息豪怒亦令鷗鷺少嫌猜吳頭  
楚尾何時極拈就前詩併展開

送范文叔知彭州

君今結束歸何勇我獨棲遲去不能江水大冬猶浩蕩風  
帆逼歲合騫騰相逢論事信徒爾清坐矢心嗟未曾想得  
彭州退公後夜窻重整照書燈

送潘德久

每攜瘦竹身長隱忽引文藤令頗嚴聞道將軍如卻毅不  
妨幕府有陶潛江當濶處水新漲春到極頭花倍添未有  
羽書吟自好全提白下入詩奩

無相寺道中

傍水人家柳十餘靠山亭子菊千株竹雞露啄堪幽伴蘆  
葍風乾待歲除與僕抱樵趨絕澗隨僧尋磬禮精廬不知  
身外誰爲主更覺求名計轉疎

陳益謙挽詞

余與益謙居相望疇昔雅相揖而已益謙死其子以書  
求哀挽言君之材與學皆余所未知也訊之王成叟信  
然乃爲作此詩

舍南巷北水同流，稻菽參差各自謀。不料多材能轉物，更  
憐無地與伸頭。蛛絲委架詩書愠，鷺羽空陂菡萏愁。好在  
夜深明月滿，人間地下兩悠悠。

併工

併工催作趁春前，又值春歸一莞然。新筍頓能長數尺，晚  
花寬與待明年。回廊寂寂爲苔地，後塔陰陰造雨天。坐睡  
不驚還自覺，鬢鬚將老到衰邊。

菊花開送徐靈淵

白頭幾度重逢九，方是今年種菊花。衰病自憐何處看，馨  
香聊向小園誇。討論搖落生光怪，暖熱風霜與麗華。正好  
行吟君已去，別移秋色付誰家。

丁少明挽詩

枕冷秋山不記年，時時逸想醉看天。吟成絕妙驚人句，散  
盡粗浮使鬼錢。萬卉有情風煖後，一筇無伴月明邊。新來  
王子碑能說，筆意堪將此共傳。

宋仲方遊吳袖文索詩爲別

九曲絃歌滿巷傳，儒林聲價有誰先。昔憐少學隨翁久，今  
喜新文信汝賢。刪後畫前元未聖，南花北葉定誰妍。終期  
猛進一篙力，透過龍門急水船。

毛密夫挽詞

我昔髫年侍此翁，自甘窮僻古人同。道修白業曾先悟，官  
近青雲却未通。亭長嫩蜩新戲雨，徑存衰柳舊搖風。世間  
榮落私情盡，留得清名是至公。

送趙提幹

與君中外情偏厚嗟我龍鍾志已摧豈有尋常墮泥滓不  
教宛轉助風雷花枝買笑前村趁柳帶牽情別浦催細雨  
酒亭東望處應將新語寄潮回

賀縣尉

端龐還有北人風大雅元非楚士同此日深探應徹底他  
時直上定摩空離家杳杳百難外過我昏昏三伏中籬破  
屋荒無路入荷花招手席門東

送曹潛夫

東南作闕歎年徂遠遠參司到蜀都元帥幕中須受辟生  
羌界上也分符閒吟杜甫詩千字時載楊雄酒一壺只我  
衰殘望君切杜鵑聲裏認歸塗

郭伯山挽詞

兄弟窮經各一時百年義塾尚留炊講燈常照鶴窺坐壇  
杏半紅猿揀枝未奏邊功明主惜將成京秩故人悲挽君  
已老應先盡安得埋銘更後垂

薛端明挽詩二首

可但補闕名官日不逢引裾強諫時上朝有疏天常納下  
殿無行誰獨疑論道何如出綸晚督軍頗嘆封侯遲凌煙  
畫手今寂寞荳蔻林高荔子垂

水稼初融闕月沉英豪四坐地爐深爭看塵尾頻揮處難  
了朱絃未盡音怪我輕談當世事知公默會古人心空山  
穩對梅花宿錯向林逋墓裏尋

題閻才元喜雪堂三首

東來十月黃塵滿霰點霜花總未堪恰是使君誠意足帶

將臘雪赴荆南

平壓龍山五尺危，墮鳥何處避陰威。漸令融罷春泥軟，麥浪黏天燕子飛。

簷角低狹小，凭欄霏霏只合對高寒。他年認得名堂意，不作銷金煖帳看。

水心卽事六首兼謝吳氏表宣義

生薑門外山如染，山水娛人歲月長。淨社傾城同禊飲，法明闔郭共燒香。

我久無家今謾歸，賣田買宅事交違。填高幫濶爲深費，柱小簷低可厚非。

雖有蓮荷浸屋東，暑煩睡過一陂紅。秋來人意稍蘇醒，似惜霜前零亂風。

拒霜旋插花疎疎，甘菊新移日晒枯。花草只今如此在，幾時寫作會昌圖。

聽唱三更囉裏論，白旁單漿水心村。潮回再入家家浦，月上還當處處門。

吳翁肥遯逾七十，木老芝荒手自鉏。惠我篇章成錦字，西鄰得伴亦堪書。

橘枝詞三首記永嘉土風

蜜滿房中金作皮，人家短日挂疎籬。判霜剪露裝船去，不唱楊枝唱橘枝。

琥珀銀紅未是醇，私酤官賣各生春。只消一盞能和氣，切莫多杯自害身。

鶴袖貂鞋巾閃鴉，吹簫打鼓趁年華。行春以東崢水北，石



妨歡樂早還家

余泛舟不能具舫創爲隆蓬加牖戶焉

雖然一槩匆匆去也要身寬對好山新构蓬窻高似屋諸峰獻狀住中間

鉏荒

鉏荒培薄寺東隈一種風光百樣栽誰妒眼中無俗物前花開遍後花開

題施紙被蔡宣義所藏孫太守褒諭帖

乞子齟齬暖凍軀押衙得得奉親書孫公已去蔡公死近日鄉人嘆不如

贈孫十五道人

將軍橋畔女仙家年與鍾馗宴與花欲度世人無妙訣睡

長留日住簷牙

送呂子陽二絕

七峰斜轉斗光寒千仞飛來雁影寬生怕被君題寫盡更留風景後來看

好花移買自嫌貧浪蕩空多未許春放出江邊無數橘半黃半綠惱騷人

芥軒詩鈔

六

林光朝字謙之閩之莆田人隆興元年進士任袁州司  
 戶參軍知永福縣召為秘書省正字歷著作佐郎國子  
 司業出提點廣東西刑獄徙轉運副使加直寶謨閣召  
 拜國子祭酒除中書舍人以集英殿修撰出知婺州提  
 一舉興國宮卒光朝學於陸子正子正學於尹焞而光朝  
 一之學一傳為林亦之再傳為陳藻三傳為林希逸其師  
 友之際如此林俊曰艾翁不但道學倡莆詩亦莆之祖  
 用字命意無及者後村雖工其深厚未至也

送別湖北漕李秘監仁甫

文字眇煙雲過眼徒浩浩所有未見書惜哉吾已老子雲  
 客長安陳迹如一掃同叔向來人我生苦不早亦聞青城

山斯翁爲有道瞿塘不可上秋夢長顛倒白日來西崑一  
見自應好縱譚百代前至境非枯槁多爲開口笑明月生  
懷抱黃鶴有高樓况如事幽討攬轡逢道州聽書下下考  
周南勿留滯掇拾供史藁分手重酸辛璠璣衆所寶十日  
不得面何爲太草草

送別姚國博知處州分韻得綠字

銅盤白露下松桂淨如沐變彼菊花團西風吹醪醑長安  
多別離此別苦不足人物如使君容易等潘陸一自海東  
頭清颺起謠俗館下欲何言聯翩如破竹功名不徒爾無  
乃相追逐雙日訪延英行矣公勿卜括蒼煙雨前寒光貫  
岩腹大叫出銀鬕邂逅聚百族要攜三月糧所厭惟一旬  
幸心忽開張何曾畏笑僂單父勿長吁來者猶可續通旁  
有抵壁天下輕結綠一夕洲渚言令我沉心曲

代陳季若上倉使

大塊始開鑿媧皇爲補天天平雷雨正后稷誨之田大浸  
十二歲流金復七年幸哉堯湯民以手摩撫然徂丘虐焰  
起秦俗相焚煎官租奪以半飽食何資綠自從漢道昌敦  
朴乃其先初開常平議聚粟如源泉年登穀價賤散以大  
農錢早潦或艱食用之如轉圜悠悠百王心皎皎三代前  
井田日以壞此法當磨鑄公侯希世珍秀色媚長川官學  
有根株誦詩三百篇風土無隱情是爲大夫賢博飯哺赤  
子當食長爾憐江東百萬戶彫俗生春妍持節閩嶺初有  
如病者痊劉晏取予術夷吾輕重權義倉有粟腐物價敢  
喧闐斯助阜民政南風吹五絃晝日公侯門客車動百千

下吏走塵土從容愧執鞭豈不隨吹噓譬彼乘風船長技  
非卓魯主德奚由宣松竹伴孤吟敢懷歲月遷終酬國士  
知未甘長棄捐

石渠行送別福建參議李著作器之

我來石渠五十六雙鬢如蓬腰未曲豈爲健筆有徐庾自  
數來時六十五誰解辛苦續子虛長安有客四十餘已老  
成翁不肖去青藜當戶夜讀書東觀丈人起遐想無爲歲  
月空踟躕去作諸侯老賓客可無綠水兼紅葉我家東下  
纔百里釣螺一曲清無萍草堂爲築荔枝斜濯錦江頭有  
如是子息子方道爲尊南國佳人如秋雲不知公侯有朱  
箔要問常州李著作

資中行奉寄臨卽守宇文郎中

銅駝陌上生秋草前者刻石今如掃僭邊半紙模糊下  
林三日成悲惱蒼史萌芽何可見要從筆意生春蕩欲將  
奇字問何人所守一家如小篆是中變幻隨形模鑄鼎  
鬲匱盤盂如何兩京到魏晉揅盡蒼崖惟此書卽今原隸  
見顛末仍於畫上分錙銖燕然有年固可紀筆勢豈得先  
黃初中郎袖手欲無作正始不逮况其餘幸哉一見俱抵  
掌翩翩如反古石渠且說金陵佛屋何年燈晉分隋張猶  
青熒忽聽荒雞還自起資中之刻不徒爾

鞭春行

轆轤胷寒田雀飢江梅落蛙兔脚肥枯腸一夜轉雙轂眼  
光吹上蝦蟇衣岩腹新晴山鬼哭女媧墳外春風歸蘭村  
紙簾大如席柝柝藜杖金雀飛

癡頑不識字歌許叔節來詩有此句因以名篇  
平生讀書如風過耳歲月共流轉如磨復如蟻一如人嚼  
蠟而不見其味又如弄孤杵連夜不成米又如過羊腸十  
步復一止年頭月尾無一是咄咄癡頑不識字見君詩舌  
如鶉愧我爲人師怪怪奇奇如懸崖萬仞龍蟠古樹枝又  
如生馬不施鞚而馳又如錦苔封漫峴山千年墮淚碑又  
如玉關客血上老犀衣盧同孟郊骨已朽眼睛頭顱何人  
相傳授與君往還歲月久比來春風入我牖便覺岩前草  
木件件有生意跨蹇驢出古寺欲訪子雲問難字

乞竹雞

疎籬短短花枝闌鳩婦不鳴天雨寒鳩婦離家二百日亦  
有姊妹依故山黃糧不肖啄欲去羽衣殘主人一見一憐  
汝抱取東家竹雞來戲聚孤村落日不相識各各哀鳴求  
其主兩鳥勿驚遽低頭聽我語鳩婦入我家必殺入我口  
牀頭窺覷無餘粒養汝一到十日後東堂數竹夾新蹊兒  
童牢落惟愛一竹雞堂心有智井飢則哺其泥主人緣窓  
安淨几丹碧相依安用此竹雞竹雞慎勿傍人飛我屋三  
間沉白蟻

冬至

橫枝凍雀昨夜死水底黏魚吹不起小伶切玉孤鳳愁九  
寸之管傳生意舞雩山下逢丈人植杖無語空逡巡再拜  
丈人欲識桑麻生長力鬼蝶翻覆梅花春我於萬物亦一  
物何時春風到肌骨空山鐵鏹年月深一語不破天地心

吏部尚書林公梅卿挽詞

百紙梅花賦聲名出渚東向來惟李賀勝處是楊雄  
看書帶逢人說刺桐尚書舊時履只合步春風

次韻奉酬趙校書子直

雁塔新題墨未乾去年燈火向秋闈趣看天祿青藜杖怕  
着王孫紫綺冠好在三山尋浩渺何如一紙問平安舩棹  
放月無人到玉糝初成許共餐

次韻呈胡侍郎邦衡

并引

某竊觀侍講侍郎先生大書著作之庭其形摹濫觴發  
於小篆豈八分未出已有此書又蒙傳示銀杏兼簡之  
什謹次韻奉和

聲教從今已遠覃翩翩作者問誰堪石經猶有中郎蔡金  
匱曾誇太史談至竟銀鈎并鐵畫相傳海北到天南諸生  
考古頭渾白禹穴何時更許探

九日同出真珠園再用前韻

來自清源葛已覃君王問獵我猶堪百年耆舊如重見九  
日登臨得縱談才子不知汾水上仙人長在大江南明珠  
照夜應無數要是層波更好探

送別傅郎中安道持節閩中

忽然鄉息若爲收莫到三茅最上頭二月東甌看負弩一  
天南蕩想行舟過家上冢從今數落絮飛花合晝遊料得  
甘泉來奏計定應前席莫遲留

八月十五日道出南昌寄龔帥實之兼呈程泰之劉

文潛二溥

未應雙井卽塵埃似此衣冠得幾回國子先生還並駕洪

都新府却重開再三爲問滕王閣第一須登孺子臺定向  
此中修翫事江邊不道故人來

閏月九日登越王臺次韻經畧敷文所寄詩

閑陪小隊出山椒爲有吳歌雜楚謠縱道菊花如昨日要  
看湯餅作三朝千重嶺海供橫槩一帶風煙聽采樵憑仗  
折衝如此好不應東去更乘輶

再次前韻

却趁秋旻別九韶扶胥直下聽風謠瀾翻對酒還終夕火  
急催詩在詰朝南國更逢陶令菊西江莫打楚人樵自應  
幕下文書少節制如今屬漢軺

前歲過真陽初識子欽今道出曲江不忍遽分手偶

成長句以志兩處山川人物之勝亦少慰別來耿

耿耳

秋崖一夕卷炎蒸那更揮斤爲斲冰碧落舊尋燒藥竈白  
芒長對讀書燈相期大庾何多日似出浮屠向上層縱有  
分張吾未老定從臺閣看飛騰

送別奉常林使君黃中易守延平

去時胡不到瓜時上日多應柳絮飛卧轍只緣滕壤少懷  
章須要越人肥三千儀禮非綿蕪五十行春尚綠衣莫愛  
傳經似齊魯石渠長是待公歸

枕疾逾旬蒙丞相訪問仍辱寵示名篇輒搜枯腸次

嚴韻以寒來使

丞相嚴裝似燕居爲憐消渴到相如病多得艾三年遠歌  
雜成琴十日餘綠野忽傳春草句白頭還對朶雲書若爲

追逐園林勝百轉愁腸亦少舒

芹齋詩 并引

往時從林刪定時隱為招提之集語某以吾於九仙作見一庵丘壑之念未嘗一日去心比挂冠得請又欣然相語曰吾將作屋數間老於芹下吾老矣從此皆空閑日子所未能忘書卷一事耳吳興別乘代者以期告而公有是舉壯矣哉夾漈唱酬之什皆一時顯者於其最後也作芹齋詩

春風芹下足遲留白鳥平田憶舊遊說盡軒裳還過眼讀殘書卷復重頭偶逢隱几何須問不到投簪便擬休平世聲名如皦日欲將何地置巢由

奉題游洋張明府流香亭時以薦章數下涉秋月馬

首且欲西矣因以寄意云

封題青李數緋桃處分園林意自豪旋出篇章陪樂府更憑花木續離騷醪醑架下提春榼薜蘿林中滴夜槽却是秋風生馬耳未應老大笑牛刀

送別陳侍郎應求知泉州 并引

某竊觀蔡公侍郎嘗大書於洛陽橋之上侍郎過洛陽當摩挲此石彷彿為同日事也某送別到惠安道中因以賦詩云

百片牙旗水面長蔡邕題在刺桐鄉十年杯酒開雲榭一樣官衙過洛陽我亦攜家緣送客誰能掃地自焚香野橋衝臘寒梅白莫要登臨憶侍郎

傳使君安道再有治莆之命取道城外還泉南得來



書云已出十里

何事風流舊使君江邊聽說下朱幡逢迎要問平津郎準  
擬來呼垤澤門竹馬已喧明月浦藍輿却出杏花村不知  
錦瑟流傳徧欲愈頭風好細論

挽李制幹子誠

千金治產似孫吳珠箔銀觥只自如問我長風當夕起數  
他極浦落帆初自知汗簡今千軸更說生犀有幾株赤壁  
當年遇黃蓋周郎何惜借吹嘘

文字紛紛更問兵秋燈束髮尚青熒便令三子成門戶却  
許諸孫說典刑隔水忽傳朝露曲行人長數夕陽亭河東  
健筆惟諸薛梅子岡邊爲勒銘

別方次雲

蘇臺上姑蘇館共說南山竹火爐湖上相逢又相別不  
知何處說姑蘇

代陳季若上張帥

柳堤九曲暗青絲畫戟叢中畫影遲傳說姑蘇新樂府祗  
緣太守例能詩

直甫見示次雲乞豫章集數詩偶成小絕因以自喻  
脩水佳人白玉欄花前何似妾容顏從來未省傷春意猶  
自樓頭畫遠山

莫怪騷人太頡頏曾聞阿母語劉郎神仙本自無言說尸  
解由來最下方

吳容州仲一挽詞

竹屋繩橋自有村牛山簫笛不堪聞碑前更問何年月爲

借容州舊使君

哭徐刪定德襄

脩文巷裏莫春前欲上旗亭問客船忽有短牋無寄處魚  
梁却在淚痕邊  
忽然白晝自生哀立馬橋東喚不回驚起何波理殘夢十  
年燈火上心來

哭伯兄鵲山處士蒿里曲

竊觀之近古葬顯者則歌薤露又有蒿里之曲施諸閭  
巷乃取鵲山號哭之聲作是曲

殘雲衰草趁人愁生卽團欒死便休悲泣聲中裁此曲難  
歌山外鵲山頭

長記蔡牀發問初翩翩出語自無餘斯翁胸腹平如水不

在塵埃數卷書

桐棺三寸更何疑却取江楓短作碑惟有一般蒿里曲長  
蕭欲斷更教吹

攻媿集鈔

六九

櫻鑰字大防自號攻媿主人鄞人也登第歷太府宗正寺丞出知溫州光宗初累擢中書舍人遷給事中奏留朱子時論躉之進吏部尚書以顯謨閣學士奉外祠奪職韓侂胄誅復官兼翰林侍講年過七十精敏絕人詞頭下立進草院吏驚詫除端明殿大學士位兩府五年進資政殿大學士卒贈少師謚宣獻詩雅贍有本然往往浸淫於禪禪學之傳莫熾於四明當時老宿如攻媿已不能辨矣

題龍眠畫騎射抱毬戲

綠楊幾枝插平沙柔梢裊裊隨風斜紅綃去地不及尺錦袍壯士斫髮射橫磨箭鋒滿分靶一箭正截紅綃下前騎

長纓抱綉毬後騎射中如星流綉毬飛礮最難射十中三四稱爲優元豐策士集英殿金門應奉人方倦日長因過衛士班飛騎雲人馬健駕幸寶津知有日窮景馳驅欣縱觀龍眠習中空萬駭目洞心千萬變追圖大槩寫當時至今想像如親見靜中似有叱咤聲墨淡猶疑錦繡眩閒牕撫卷三歎息紀塵暗幾旬安得士馬有如此長驅爲決于戰

題羅春伯所藏修禊圖序

東遊登會稽祇見蘭亭不見碑北過中山府欲訪此碑不知處間從故家看墨本如此二者絕難遇曾經耶律瓊裏去至今猶知慕時將一二餽使持歸往往快先觀不知玉石真在否要比江南終近占他日縛取作編

戶勒銘歸來過定武只問君王乞此碑打向人間莫論數

題孟東野聽琴圖因次其韻

誰歟住前溪夜淡琴鳴天高豪氣蕭月斜映疎星椽林助蕭瑟泉聲激琮瑋彈者人定佳能使東野聽東帶不立朝遙夜甘空庭龍眠發妙息神交窮杳冥不見彈琴人畫出琴外聲郊寒凜如對作詩太瘦生恨不從之游撫卷空含情

月夜泛舟姚江

秋著不可耐幾忽泛中川晚來興有逋溪船偶及門涼月纔上弦平潮可黃昏倚楫縱所如卧看龍泉山長虹跨空濶過之凜生寒坐穩興益佳夜氣方漫漫草蟲鳴東西飛鳥相與還仰頭數明星垂手搖碧瀾坐客惜此景不及攜

清樽無酒要不惡徜徉足幽歡幽歡有何好叩舷澹無言  
求仲抑招遊山歸途遇雨

竹輿遶湖濱宿露尚厭浥徑到玉岑下坐久客始集起穿  
靈石山萬松介而立梅天氣清潤空翠行可挹古藤幾百  
年枝蔓兩山及見說暮春時花紫紅熠熠直疑老潛虬初  
起夜來蟄俯玩歲寒泉齒冷不敢吸相將上龍泓塵鞅謝  
羈馮洞有靈獸居臨淡心岌岌魚遊明鏡中巨浪無三級  
寒苔載水去萬頃潤原隰濛濛山雨來歸僕鳥飛急野興  
殊未已日昃不暇給衝泥上湖船雨陣遽奔襲飄風將急  
點回旋驚四入中流蓋蕩兀短篷不當笠停篙亦久之怒  
勢不少戢我徒方嘯歌弗爲改豪習但恥銜齧莫問衣  
裳濕

吳江舟中

阿連久矣共一被小別愁生無夜寐風帆將我上征途回  
首江山日千里小舟橫卧吳江水夢回依約蕭齋裏五更  
漏急月黃昏鳥散一聲人未起

靈碧道傍怪石

飽聞茲山產奇石東南寶之如尺璧誰知狼籍亂如麻往  
往嵌空類鏡刻長安東南萬歲山搜挾珍怪窮人間汴流  
一舸載數輦徑上良嶽增孱顏當時巧匠斲山骨翼之汗  
高突兀干戈動地塵飛坐使奇材成棄物君不見黃  
金橫帶號神運不數臺城拜三品只今零落荒草中萬古  
淒涼有遺恨木人漂漂不如土坐閱興亡知幾許行人沉  
嘆馬不前石雖不言恐能語

石門洞

扁舟百里連城回青山中斷立兩崖清都虎豹隱不見但  
見聞闔排雲開峰回失喜大飛瀑聲震萬壑驚春雷掀髯  
目及九霄外玉虹千丈飛空來一冬青女斬天雪不知聚  
此山之隈傳聞神龍卧其上寶藏擊碎真瓊瑰胷中先自  
無塵埃到此更覺心崔嵬天風爲我嘖空翠春水瀉入騷  
人懷謫仙曾來寫勝句劉郎又爲開天台我慚筆無挽牛  
力醉墨滿壁誰爲裁或言龍湫更奇絕佳山高處淡雲塊  
我方攜筇往尋訪未知此此何如哉

大龍湫

北上太行東禹穴鴈蕩山中最奇絕龍湫一派天下無萬  
衆贊揚同一舌行行路入兩山間踏碎苔痕地將折山窮  
路斷脚力盡始見銀河落雙闕矩羅宴坐看不厭騷人弄  
詞困搜挾謝公千載有遺恨李杜復生吟不徹我游石門  
稱勝地未信此湫真卓越一來氣象大不侔石屏倚天驚  
鬼設飛泉直自天際來來處益高聲益烈漢地倒瀉三峽  
流到此誰能定優劣雁山佳趣須要領一日盡游神惡孽  
驪龍高卧喚不應自愧筆端無電掣輪困滿索湍不怒非  
霧非煙亦非雪我聞凍雨初霽時噴擊生風散空濶更期  
雨後再來看淨洗一生煩惱熱

次韻翁處度同遊北山

兩夫持鎌行我先巧尋徑路其智專我扶枯藤衣短後意  
氣已出層峰巔何郎鮑叔鮑經歷勝處一一手自編我攜  
舊記訪陳迹正恐急景不得延當共登青雲梯今日邀

我共擊鮮始觀神龜闖青泚上有石壁來飛泉隱青遺基  
平可坐下顧亂石如磨鋌懸崖雙瀑灑空雪來自一握孤  
雲天却從下流沂溪險崎嶇直到清潭邊朝陽射光破幽  
闕斷虹上下遮潺湲傳聞高山更高處雅有行路從西偏  
同行無乃淡好事盃酒自犒脚力全誅鋤荆棘從身道欲  
進不得意愈堅旋呼童僕累危石笑採野菊聊盤旋捫蘿  
騰身上苔磴往往歡呼爭著鞭側行危步汗浹背石角或  
使衣裳褰少焉身在雙瀑上又見高派衝泓淵自笑泉石  
成膏肓愛賞不減蟻慕羶巉巖數峰巧遮護妙處二老初  
無傳脫迹塵埃到此地便覺神息飄飄然回首江南塵一  
聚城郭歷歷眼欲穿相期更看水流處步履未倦夸輕翩  
一上千尺窮山椒岩澗靡迤流蒼煙尋源不能且望返石  
峴巍距驚神鑄退求歸徑惘難問藤蘿所在相縈纏我方  
踟躕風煙表披披衣袂身欲仙晚歸招提各痛飲讀盡屋  
壁長短篇截筒環山覽清駛竅出珠穗心亦憐碁枰相與  
論瓜葛橫琴不妨揮五絃人生易老費扶掖勝具大率須  
少年伊余歷聘佳山水愛奇竊慕太史遷明年炎暑襲故  
步與君共枕清流眠

哭王知幾墓

知幾少也爽萬事笑談了自謂頗寡合見我輒傾倒百年  
能幾見一別迹如埽父子俱埋壁烏乎何其早向來論文  
酒和淚傾宿草此意誰復知寤歎令人老

次韻胡元甫茉莉花

殘暑未盡秋欲來玉刻萬葉瓊英開孤標雅韻一枝足江

上紫翠空成堆素娥常與明月約青女細把輕綃裁主人  
 好事趁時買買寘此地真宜哉墻間閒地方丈所幾年累  
 甃裝層臺春花秋卉方互發胡葵芍藥參徘徊眼明忽見  
 此奇絕弟畜素馨兄事梅夜深飛香性幽獨未許蜂蝶來  
 相陪糖甕封餘有闔玉會須埽取添花栽吾聞閩山千萬  
 木人或視此齊蒿萊何如航海上天闕玉色照映琉璃杯  
 新涼徙倚看不足坐見日影歛庭槐

送王仲矜倅興元

蜀道難難於上青天蜀道易易於履平地蜀山天險固自  
 若視難為易在人爾王尊真有四方志叱馭行經了無累  
 早登岷峨任陰城談笑動行千萬里漢中由來說雞肋意  
 謂棄之為可惜君今此去良似之更欲遠遊尋故跡漢都

南鄭啓炎圖秦置石中山徑關淮陰拜將餘高臺武侯墓  
 處空松栢大笑出門何慨慷天涯離愁各盡觴荷君走馬  
 却送我李侯參語夜未央君方往蹈功名機何止別駕歌  
 王祥先正九年遺愛在更遺故笏訪甘棠仲矜象簡乃參政入蜀時所用

送王木叔推官分韻得錦字

王郎天下士中和自生稟澹然初無營見者輒斂衽幕中  
 資婉畫處事極精審與人如恐傷律已淵水懷淡恐馬馱  
 輿要使鴉食甚一寸憂國心幾年不甘寢此意大未酬退  
 靜若已甚使之行所學庶幾人奠枕向來孰間之未免斯  
 立噤川咏而雲飛賴有東陽沈露章極推轂分韻句裁錦  
 風流有如許不復歎蹕蹕如君豈蓬蒿人物妙流品才應  
 奉香火為養謀祿廩與君幸瓜葛心交今十稔豈惟我惜



別行道情苜蓿紅蓮色何似翠栢風愈凜願君疎藥裹一  
意護茵飴棄鼎寶康瓠浮名如拾藩行矣無多言臨歧且  
劇飲

彭子復臨海縣齋

乾道癸巳冬此邦我經行鬱攸氣未殄十家真赤城來訪  
臨海令瓦礫紛縱橫翹然二尺高問是戒石銘徘徊重太  
息更聞愁歎聲試詢來者誰共言今姓彭我時語旁人此  
邑其將興迨予來 倅客館方暫停夜聞簫鼓沸聽事先  
落成起望輪奐美壯觀聳連甍百堵日已作芥斤喜丁丁  
層樓庀勅書兩廡環中庭久乃游其間宏大使我驚位置  
既淡穩斷削仍攻精田里不知役纖粟無輸征安得屋朗  
朗突兀有寧馨退食不苟處扁榜皆佳名中虛物自照政

平由心平樨栢已可悅况有賢弟兄小亭真吏隱縣擁高  
山青琴堂雖增舊此意宜細評智調天下理夸言笑後生  
大弦可以急小弦恐弗勝舉意屬俄頃立欲如所營手足  
民無措吏姦益相乘不如疎節目示以信與誠施行有次  
第幽遠無隱情上下始相應溫和亮以清子賤意不傳僅  
許勝戴星彭令蓋得此所以千里稱此非以政學淵源甚  
分明行笑解印去衆心已先傾太守薦之朝一鶚飛青冥  
傍無蚍蟻援日夜息歸耕我無薦賢柄直書氣填膺安得  
採詩官取以徹明廷

催老融墨戲

古人惜墨如惜金老融惜墨如惜命濡毫洗盡始輕拂意  
匠經營極淡澁人非求似韻自足物已忘形影猶映地蒸

宿霧日未高雨帶寒煙山欲暝中含太古不盡意筆墨超  
然絕畦逕畫家安得論三尺身世生緣俱墮甌人言可忘  
不可親夜半叩門寧復聽三生宿契誰得知一見未言心  
已應巖傾千丈雪散空上有清池開錦鏡意行忽發虎  
笑許作新圖寫幽勝歸尋一紙五十尺傳以礬膠如練淨  
自知能事難促迫捲送松牕待清興筆端寸寸何如西  
抹東塗應略定何當一日快先覩洗我昏眸十年病

王成之給事囿山堂

煙雨望麗陽前山羅紫翠照水挹南明不與巾子對榻來  
登罔山一覽萬山會蓮城山固多此地要最主人意軒  
豁物景供曠快山椒湧華屋迥立風埃外一物無遁形所  
在見纖芥清霜肅天壤佳樹隔闌闌俯仰隨取舍左右從  
盼睽門墻尋故步杖屨許從邁恍然至絕頂更覺宇宙大  
樽酒屢勸酬棋枰更勝敗秋高月色皎浮雲了無礙不俟  
攀仙掌徒手吸溪瀨茲堂極崇敞意若欠深邃先植易生  
木徐待松栢兌望遠仍可喜意滿聊自晦無使山下人或  
得窺外內但恐趣賜環樹藝或不逮先生味斯言一笑相  
頷解吾將飭園丁隨處添翳蒼他時遠扶疎吾廬益可愛

陳順之靈壁石硯山

陳順之靈壁石硯山中有雙澗低處爲硯下米元章題  
云唐弘文館校書李羣玉有詩南唐李重光故物也  
名畫法書環四壁中有米家真寶石壁峰森聳外澗流他  
物雖奇敢爭席舊屬半山老仙人佛印乞之如乞鄰阿童  
有力負之走一時攘取或紛綸此石天然非琢磨是時有

水生巖阿至今研池尚餘潤歲月既久惜不多幾年徒見  
士夫說一旦喜看形偃月傍連玉立兩於菟主人照映水  
壺徹陳侯之富可敵國會有寶光驚四塞呼童吸盡硯中  
水更爲輕番玩奇刻不堪回首江南李空唱多愁似春水  
更不如此石千載傳玉砌雕欄等糠粃寶晉得之真不易  
身後寧知亦輕棄只今傳玩知幾人當日瓊牕空自秘端  
歛爭名南北部勿向雷門揚布鼓銅臺錫瓦更不須祗合  
觚稜蔭風雨

跋汪季路所藏修禊序

永和歲癸丑羣賢會蘭亭流觴各賦詩風流見丹青右軍  
草禊序文采燦日星選文乃見遺至今恨昭明字畫最能  
意自言勝平生七傳到永師襲藏過金羸辨才尤秘重名  
已徹天庭屢詔不肯獻託言墮戎兵妙選蕭御史微服山  
陰行譎詭殆萬狀徑取歸神京辨才恍如失何異勅六丁  
文皇好已甚丁寧殉昭陵當時馮趙輩臨寫賜公卿惟此  
定武本謂出歐率更採擇獨稱善遂以鐫瑤瓊流傳殆五  
季皆在御寢扃耶律殘石晉睥睨不知名意必希世寶瓊  
裹載輜駟帝旣北去棄與朽壤并久乃遇知者龕置太  
守廳或云政宣問此石歸紹彭又言入內府宣取恐違程  
焚膏繼短晷拓本手不停疊紙至三四肥瘠遂異形南渡  
愈難見得者輒相矜我見十數本對之心欲醒汪侯端明  
子嗜古自弱齡錦囊荷傾倒快覩喜失聲帶流及古天往  
往字不成而獨此全好護持如有靈元王號博雅異論誰  
與評硬黃極摹寫唐人若無稱贖本滿東南瑣瑣不足呈

猶有發與撫武矻近璜珩右軍再三作已覺不稱情心摹  
且手追安能效筆精響榻固近似形似神不清不如參其  
意到手隨縱橫况我筆素拙何力望羣英近亦得舊物庶  
幾窺典刑此本更高勝著語安敢輕孤風邈難繼悵望冥  
鴻征

送劉德修少卿潼川漕

清朝重諍臣選取妙一世矯矯劉御史一鶚勝百鷺顧瞻  
最有力步武亦嚴毅一生憂國心千古敢言氣氣足充所  
學文能行其意遇事輒奮發觸邪無顧忌乘驄行且止相  
戒遠相避但息補袞闕何暇爲身計獨立當雷霆三進氣  
彌厲去魯固遲遲出書豈滯滯上終行其言羣賢爭挽致  
將輸向潼川寓直尚書秘風裁仰清峻進退審難易伊昔  
聯周行睽違千餘歲未爲同舍郎愈篤金蘭契洗眼看騰  
上寧知攬征袂抗章歎高絕勇退尤知愧去勿窮日力予  
環日月冀承君送道鄉硬語吁可畏毋以此自滿當爲不  
止是臨別提斯語少盡交朋誼萬里苟同心吳蜀安有異

送張定叟尚書鎮襄陽

武部尚書張公出鎮襄陽士夫莫不惜其去昔昌黎送  
鄭尚書詩韻必以來字祝使成政而來歸疾去而願歸  
蓋人之至情也而公自受隆委謂邊事非可趣辦願加  
久任庶有成績憂國而不爲身謀聞者壯之某嘗陪郎  
省餞別分韻得壤字未能措辭繼又隨西蜀諸賢之後  
始得詳聞奏請之言被酒夜歸亟述長韻

公家忠獻公勳名照穹壤南軒傳聖學後進斗山仰尚書

天分高百聞真朗朗日坐四益堂濡染助涵養小出輒驚  
世發譽自英蕩兩朝倚才辦三接承膺獎堂堂尹京手風  
采漢張敞九街寢桴鼓終朝清訟鉅汗流化清溝闢市鋤  
巨駟鈴齋晝無人士友厚吾黨政成化自行談笑揮浩穰  
皇家重闢寄拊髀勞注想頗牧起禁中帝曰汝其往人多  
惜公去地位切台兩惟公不擇地引義猶慨慷陬度更周  
詢千里若尋丈再拜受臨遣因得進忠讜邊臣固多事備  
禦當素講要須久其任百弊隨刻破願假臣歲月表裏如  
指掌人材固不乏第一戒欺罔樸拙勝巧心好佞寧木彊  
願求忠信士枉直謹誅賞更須寬轡策奏請應如響上問  
卿何先安靜最爲上上憂襄漢間吳楚欠遮障公固論形  
勢哀哀到遜抗是時晉在洛武昌勢相向是爲必爭地南

此謹提防今雖居上游事與古殊狀狂縱欲來無處可  
傳餉况今三陲靜皇靈方遠暢與蜀相犄角國勢自增壯  
尚期效尺寸才疎意非廣忠肝氣凜凜秋旻足排蕩上喜  
憂顧寬趣行開玉帳捐金示優寵諭賜煩上相惟公最得  
士離別俱惘惘薦紳祖餞直欲傾家釀賦詩寫曾臆一  
一成技癢家聲與國事負荷有餘量邊頭十萬兵公臨如  
挾纊吾聞運窮羣曾欲爭長不戢將自焚前轍有煬  
當爲不可勝有和謹毋倡千載羊叔子制敵恢天網行將  
友斯人山川固無恙備成撫機動應煩護諸將功高歸未  
晚會見登彌亮他時名父子繼踵凌煙像

送鄭惠叔尚書守建寧

十五年前送別時道山持節向江西今年又見送公別犬

夫擁麾鎮閩越向來惜別固已深今日摻袂尤動心尚書自是第一人氣義相許披胸襟南宮五表平明入列辟傳聞俱聳立壽皇聖孝冠百王三復高文天爲泣擢處螭坳寵數新果然百日掌絲綸拭圭修聘稱應變握節不撓威殊鄰直上銀臺尤振職李藩氣槩時批勅嗣皇銳意新百度筆端真有回天力星辰聽履冠文昌急流勇退驚朝行望之正欲試馮翊長孺寧肯薄淮陽孤拙自憐銷壯三入修門空負媿薦人不進終不已獨賴當時言有味公在猶嘆一居州公去無爲王留公乎行歸佐天子肯作管晏卑微休

題范寬秋山小景

山高最難圖意足不在大尺楮少千里長江浸橫翠人家雜煙樹懽悅徒意會苟或森二尺便若俗子對此畫格律嚴興寄獨超邁洗眼映牕明妙處乃不昧流泉見原委著屋分向背推車度危橋指路向關隘輕舟最渺茫浦嶼如有待山稜瘦露骨汀洲橫若帶木葉黃欲脫秋容儼然在霜餘無片雲歷歷數沙界搜尋目力疲欲賦無可奈近山才四寸萬象紛納芥欲識無窮意聳翠更天外

江西李君千能能和墨及畫梅良齋許以三奇而詩非所長也

游藝無小大要知皆本原後人率意作終當媿前賢老潘妙對膠法從玉局傳或假季心名空埽千燈煙補之貌梅花疎瘦仍清妍折枝映月影真態得之天李君信雅尚二者將求全諸公競稱許試之乃誠然江西有詩派皎皎俱

成篇茲事未易窺屬和尚加鞭

慧元畫寒林七賢

舊有唐人出游圖謂宋之間王維李白高適史白岑參  
六人多畫七賢不知第七人爲誰或云是潘道遙然未  
見據病起坐攻媿齋元公忽作寒林賢相寄余方夢寐  
故山見之灑然戲作數語謝之

羣賢俱詩豪時代不同處安得寒林中聯鑣睇相語誰歎  
創妙意臭味無今古吾聞顧陸輩寓意或如許桃李並芙  
蓉雪中蕉葉吐元師師老融淡墨掃風雨作此寄攻媿  
興渺煙渚舊六今則七未知果誰與我欲從  
儔侶畫我往執鞭欣爲李君御

次韻趙子野石城釣月圖

石城江頭可憐月曾照六朝清夜獵古往今來知何長  
江袞袞蕭蕭葉謫仙去後詩盟寒王孫詩瘦清樂樂詩情  
浩蕩坐無奈扁舟笑把磻溪竿江平風輕波瑟瑟宿靄卷  
空天一色東風吹句入長安一卷風流座中得初得神意  
清再讀曾次平回頭明月祗如故世上興廢徒紛更想君  
一葉方掀舞夜靜水寒誰與語船頭有酒且孤斟莫向金  
陵重懷古

送從弟叔韶尉東陽

阿連少也爽孤立生氣燄壯年淬詞鋒傾心事鉛槧膠庠  
困蘆鹽世科終穩占再興聯桂堂爾祖真不忝况將尉東  
白士友尚歆艷惟我愛子淡老矣猶不厭固知爲子喜頗  
亦動吾念贈子當以言苦口當鍼砭此邑子舊游歷歷數

行店棠陰見郎君遺老喜窺覘其民最服義情偽靡容揜  
莫恃采棒威要使幕巾墊子文多立就詞采更華瞻吾聞  
恃俊者塞門差反玷前賢最加謹臨用更重檢他時可待  
取天庭得錦幘吾家有素風耳目久濡染毋庸慕豪舉助  
廉先以儉酒酒更宜戒平地有淡塹酣暢當以時勿習盃  
激灑將論毋過高斯言却防玷立節毋務奇躡等恐成僭  
外物息過分檢身但多欠勿嫌一尉卑封清尚爲廉仕途  
固嶮巖大要進以漸不須苦求知真知奏應剡向來湖海  
豪四十可收斂寧爲處囊錐莫作露刃劒匆匆摻袪別魚  
鮮酒方醲刮目待子歸罔俾吾言驗

送制帥林和叔歸

使君一何清鶴骨天與瘦少年場屋聲六藝飽芳漱一行

起作吏所立已不苟立朝凜大節論事幾反雷發言必體  
國平生無矯揉藜藿爲不採風采照宇宙出入有本末眼  
見凡三就來不爲苟合薦召乃結綬去亦不好高三宿徐  
出晝天官豈不貴陳義堅素守贛川嘗報政復來守鄞鄞  
不求赫赫名實出龔黃右情僞千萬端到眼輒空透撫民  
過嬰兒閭里息爭鬪奸胥及強使時用霹靂手人誦南山  
判情通理亦究六邑俱帖靜稱贊不容口律身至嚴冷無  
能掣吾肘吏事精且勤呼燭侵夜漏公退入家塾諸孫後  
來秀吏卒不識面洛誦出牕牖幾年南塘路來往困彊仆  
一朝平似掌行歌紛老幼公心信如水古井波不皺榮觀  
處超然軒冕亦何有翩翩欲賦歸排雲屢騰奏廟論終不  
許斯民方借寇上心重閔勞祠官向廬阜闔境極攀戀人



人懷杜母君看卧轍人誰能使奔走挽須不得畱百拜願  
公壽老我幸同朝傾蓋已如舊聯事東西省交情久益厚  
我歸公亦來門戶托雲覆黃堂間參語惟我甥與舅揚旌  
鳴鼓吹賁此蓬華陋清談不及私翁歸况不受義命孰不  
知踐履或差謬惟公見善明力行真耐久有時相與言心  
同蘭茝臭摻袪寧忍別追送列觴豆公雖不好飲勉爲飲  
醇酎公去我亦隱菽水翻綵袖花溪渺何許望望幾雙堠  
千里共月明懷人重搔首惟應折梅花臨風爲三嗅

送萬耕道帥瓊管

黎山千仞摩蒼穹顛顛獨在大海中自從漢武置兩郡黎  
人始與南州通歷歷更革不勝計唐設五筦如邕容皇州  
聲教久漸被事體全有中華風生黎中居不可近熟黎百

洞蟠疆封或從徐聞向南望一粟不見波吞空靈神至禱  
如響答征帆飽掛輕飛鴻曉行不計幾多里彼岸往往夕  
陽春流求大食更天表舶交海上俱朝宗勢須至此少休  
息乘風輕集番禺東不然舶政不可爲兩地雖遠休戚同  
古今事變無定論難信捐之與楊雄四州隅分各置守瓊  
臺帥閩尤尊崇高牙大纛擁方伯鼓吹振響驚蛟龍漢家  
威名兩伏波盧丁以來幾宗工衛公精爽尚如生妙語况  
有玉局翁史君吏事素高了明若古鏡磨青銅叱馭行行  
不作難平生惟仗信與忠布宣王靈萬里外益使向化來  
蠻賚弟惟遐方習疎慢政化要當務中能見越王  
石自然心服今易從頑獷未率宜以漸勿示駭政先含容  
平平之用定遠下下之考書陽公吏民先長固安土尚

當摩撫如童蒙屬僚宦游豈得已士多失職悲途窮名分  
卑尊不可紊更念何處不相逢官事既了與無間可使和  
氣俱冲融鄉閭惜別情所鍾臨岐爲傾琥珀濃手遮西日  
念遠去欲留奈何鼓逢逢願君穩度三合溜早歸入侍明  
光宮

送元衛弟赴長亭鹽場

阿連生向秀二親所甚愛仲兄勤拊養遇事輒加誨幹蠱  
靜而辦胷次無卑隘今焉職半盆官字臨渤澥毋謂官爲  
小要使所居大毋言才可了檢身到緘芥門戶重衣冠  
綿數代當以誠心求子親勿自懈亭民亦良民孰謂居  
無賴官吏既擾之兼并責逋債熬波亦良苦樂歲色猶菜  
輸鹽不得錢何以禁私賣所在積蠹久良法浸多壞吾聞  
不無術更當審利害熟視不爲謀空餐媿難蓋不應行一  
切遽使絕稱貸富者能寡取倍息久仍在貧者庶少寬公  
私可緩帶母年登九十家居幸康泰其家不從政禮經有  
明戒幸子去不遠時時可歸拜小別不足惜輕送前邁

白醉

陶內翰清異錄首載開元時高太素隱商山起六逍遙  
館各製一銘其三曰冬日初出銘曰折膠墮指夢想炙  
背金鑼騰空映簷白醉余愛其言取以名閣陳進道示  
惠大篇次韻

處世難獨醒時作映簷醉年少足裘馬安知老夫味天梳  
與日帽且免供酒事謫居幸三適得此更慙愧向來六逍  
遙特書見清異君家老希夷相求諒同氣曲身成直身朝

寒俄失記醉中知其天不飲乃同意書生暫奇温難語純  
綿麗

贈范緯文秀才

括蒼范牛自題云中興道士范子泯異人也淳熙間武  
昌羅端良史君遠可詩篇有贈畫牛范秀才一詩愛  
玩不能去手時時誦之以寫云亡之悲今十八年矣有  
范緯文叩門初談風鑿旋及墨戲事自言視子泯爲大  
父行羅史君贈詩卽其人也旣試其說草數語畀之  
中興道士以牛鳴淡墨百果尤著聲妙入神品仍有靈我  
不識之欽其名曾得烏犍兩橫軸又有石榴才一幅武昌  
使君舊寄詩未言秀才乃其族忽有緯文來款門自言真  
是當家孫口誦羅詩若翻水他詩歷歷俱能言一見前畫  
歎真蹟願得生綃奮吾筆爲作來禽對石榴一端 殺生  
意出我詩不工人已陳有詩豈復能動人爲君一寫使君  
語更求知已如羅君

它山堰

它山吾鄉絕境也屢游而不及賦近過其上賦前四句  
而歸季夏鬱蒸午寂無事因足成篇寫罷長哦遐想勝  
地 覺風生兩腋汗垢俱清比之陵陽冷語尤爲消暑  
上策也

它山堰頭足奇觀百方雷雷聲不斷誰把并州快剪刀平  
剪波瀾成兩段四明山淡水源遠衆壑會谿長漫汗滔天  
狂潦不少畱瀉入長江勢奔竄賢哉唐家王長官欲圖永  
利輸長算想得慘澹經營時下上山川應飽看四徧千嶺

桐屬聯惟有茲山擁東岸遂於此地築橫埭截取衆流心  
自斷斟酌利害不全取高下參差僅強半水大十分七入  
江徐挹三分供漑灌支流瀾瀾穿郡城脉絡貫通平且緩  
旱時反此水亦足坐使千年忘旱暵無窮廟祀報元功像  
設森嚴人敢玩梅梁天矯有冥助大患於今尚能捍前輩  
所作多神靈日月真成赤心貫後人小智或更易費盡工  
夫隨破散河堙蓋 謀不集堤斷河傾流甚悍富民束手  
人受殃仰望古人重興歎老木號風波湛碧畫屏俯仰丹  
書煥更須積雨看驚湍濡足褰裳何足憚去家不遠時一  
遊短艇垂綸流可亂八月倘有仙槎來便欲乘之泝天漢

題趙尊道渥洼圖

趙尊道制幹以龍眠渥洼圖示余余曰誤矣本韓幹馬

東坡外爲賦詩考此龍眠所臨而以後爲前俾易之爲  
書坡詩於後而次其韻馬實十六坡集詩云十四匹豈  
誤耶

良馬六十有四蹄騰驤進止紛不齊權奇倜儻多不羈亦  
有顧影成驕嘶或行或涉更相顧交頸相靡若相語畫出  
老杜沙苑行將軍弟子早有聲中聞名種雞羣鶴無復瘦  
瘡烏暮啄當時玉花可媒龍復日去盡烏呼風開元四十  
萬匹馬俯仰興亡空見畫龍眠妙手欲希韓莫遣鐵面關  
西看

題高麗行看子

高麗賈人有以韓幹馬十二匹質於鄉人者題曰行看  
子接處黃綾上書韓幹馬表飾以綾尾以精紙皆麗物

也聞其懷金來取因命工臨寫而歸之再用東坡韻書  
臨本之後

竹批雙耳風入蹄霜鬣剪作三花齊相隨西去皆良種撼  
首勢竄迎風嘶丹青不減陸與顧麗人傳來驛通語裝為  
橫軸看且行云是韓幹非虛聲圍人乘馬如乘鶴人馬相  
諳同呼啄中有二匹真游龍爬梳迥立綠楊風賈胡攜金  
贖此馬亟呼工人臨舊畫我詩無到三韓寫向新圖時  
自看

跋李少陵修禊序

唐文注之賜韓王有崔潤甫之題為可放若李重光撥  
鐙書斷然無能效之者其為真筆何疑朱徐開皇之記  
則已見少裴之辨開元去正觀未遠潤甫又職校定四

部圖書以為最善本則真善矣辨才之本既殉昭陵今  
世止以定武本為第一又出歐陽率更所臨石本自應  
在墨蹟之下則知此本信為冠絕蓋希代之寶也然考  
之新舊唐史崔湜弟液滌及從兄淮並有文翰居清要  
液至殿中侍御史液弟滌明皇用為秘書監出入禁中  
後賜名澄如此則液為湜之親弟而為秘書監者滌也  
又宰相世系表博陵安平崔氏仁師相文宗高宗次子  
擢擢之子液吏部員外郎第四子挹挹之子湜相中宗  
湜之弟滌秘書監如此則液為湜之從弟又不為秘書  
監傳之與表已自不同而滌之親筆乃爾以是知作史  
與考古之難也因併述之乃賦長句以副少裴好古之  
意

蘭亭修禊永和中羣賢高會俱雍容右軍作序亦偶爾藁  
草乃致傳無窮自言疑若有神助他日屢書終不同歷代  
傳寶在秘府尤其甚者唐太宗當時搜取極心力摹本一  
一羣公惟此真蹟最奇絕蕭梁開皇有遺踪親御奎文  
賜元嘉龍蟠虎翥何其工辨才所取秘昭陵此本一洗凡  
馬空崔家兄弟列清要誨子况復稱龜龍圖書四部資校  
讎當時尚有正觀風自云此爲最善本冰銜臣液題甚恭  
李王淡得撥銜法筆力絕勁雄江東右軍以來皆妙筆名  
勝異代如相從病餘扶僂行埽松李君攜來爲發蒙平生  
多有舊墨本一見使我開心智摩挲歎息不自己至寶盍  
入明光宮隱居懷寶正不惡興氣或能牛斗衝叩門有客  
勿傾側恐有御史來乘聽

再題行看子

先引護欄毬子驄九馬近遠俱相從黑駒黃騅素驪亦  
有當面仍銀駿夏國一種青於藍五明錯靴皆如龍或驂  
或引恣馳驟坐覺隱耳聲瓏瓏人間安得有此輩一一必  
白天閑中不惟骨相異凡馬圉人貴介多雍容三花剪鬣  
自官樣空鞍更以香羅幪中間二者蓋天馬齒雖已老氣  
尚雄不知幾出橫門道雙立柳下青陰濃擗韉掉額刷背  
膂旋梳駿尾搖青風人人生意馬欲動態度曲盡各不同  
韓生去我幾百年藻色尚濕青與紅不知何時墮雞林萬  
里遠在東海東賈人攜來得寓目一見絕歎丹青工千金  
可買真不惜忽復攜去何匆匆急令臨寫得形似如此神  
駿那得逢開元內外馬盈億色別爲羣從登封韓生所見

定傑出七尺爲駮八尺駮向來鶯邊繫金絨歸乘款段頭  
已童伏櫪寧能志千里却笑區區據鞍矍鑠翁

送孫子祥赴新昌主簿

高士不爲簿子嚴論獨殊不遭何不可而况主簿乎夫君  
豈其裔南明筮仕初要知官無卑祿可代耕鋤正須勿小  
稽使民能樂輸矧復兼尉曹鼠竊隨除驅西職去民近亨  
途此權輿君誠吾里秀賢厚素有餘埋蛇有陰德映雪讀  
古書起家決儒科鄉評足名譽妻以兄之子相與足相娛  
小別不足惜未免慘子祛邑徑迷台剡好山環四隅一子  
丞鄰封川陸通舟車乘輿或一往徑欲造庭除公餘想續  
文尤當惜居諸會看與公賦擲地金聲如

送澤丞上虞

我老不復仕行將掛衣冠兩子俱貳令官職恰一般列川  
且書考上虞亦之官人言易捧檄歸奉重親歡我意正不  
爾期汝政可觀食焉怠其事古訓戒捨饒汝職去民親簿  
書當細看一邑無不問正爾良獨難江海匝三垂長堤捍  
驚湍埭高幾如山潮至不留殘宜和有遺迹能使潮浸灘  
陂湖謹蓄洩可以救旱乾長溝濟漕運浚治令通寬此皆  
丞所職勿憚心力殫江頭有東山永懷謝家安邑有李與  
豐况復居二潘尚有更從游問學加研鑽平時固知汝廉  
謹無欺謾涉世終未淡送汝能忘言故鄉去帝鄉舟馭多  
往還失已固不可待人亦多端罔求違道譽善遣非意干  
窮達自有時此理真如丹聚散不足較豈得長團圞閑靜  
我所便汝其自加餐有時或乘輿往來二子間蹈雨送汝

行浮家當游般走筆如家書誰能苦雕剜

送伯中弟尉新喻

伯父盛德人伯中實暮子不惟能象賢氣貌亦相似幼日  
讀父書結字得皮髓粹然金玉姿少日期千里寧知游上  
庠蹉跎困名第晚始著青衫酸寒就一尉欵然報瓜時往  
戍真樂事自惟羣從希惜別不能已中年重離別况我衰  
如此親故例作惡况復於吾弟茲行豈得休雅懷聊漫仕  
勿憚三年畱江南富山水尉曹官雖卑去民最密邇一日  
斯必葺職務毋少弛善保金石軀離觴且同醉歸來畢婚  
嫁相從期暮齒教子以義方忍負授經史素業俱有傳見  
進未見止大見方决科如摘領髭耳子尚徐其驅中途聽  
捷喜

錢清王千里得王大令保母甄刻爲賦長句

家書千載稱蘭亭蘭亭真蹟藏昭陵只今定本誇第一正  
觀臨寫鑿瑤瓊黃閣岡下得寶墨古人燒甄堅於石大令  
親書保母銘况是當時晉人刻甄雖破裂文多全妙畫遠  
過蘭亭鑿其間曲水悲夫字駸駸欲度驂驪前我家阿連  
縛虎手更得退堂方外友王君素出三槐家參坐會文真  
耐久田丁初來獻小硯尋見津津若微溜細看背刻晉獻  
之永和彷彿在旁右亟訪田家叩所從始知墓崩隨意  
大輓支床得前段掀倒浮屠全尾首字爲十行行十二百  
十有七二字漏交螭方壺不復見貞石摧藏松亦朽我得  
此碑喜不寐摩挲三欵欵未有興寧甲子十四周更閱三  
年仍乙丑若非洞曉未來數安知八百餘年後坡翁應未



見此志金彈之銘何絕一人知文章有暗合智所見略  
相似二王遺蹤無所遺誰知地下此段奇三君共爲成勝  
事至寶呈露端有時越山盤屈獻與義付與孫世守之  
煩君更爲護幽竈或恐意如猶有知

賦蔣甥若水番馬圖

何處驅來良馬六驢黃參錯如花簇胡爲不作騰驤去各  
有游韁繫前足人下馬俱少休倚氈裘眠正熟酋豪  
揀箭奚奴撚意欲時不遺鏃琵琶橫倚續續彈一夫坐  
聽中曲卧擁提壺將引飲英氣虬鬚皆貴族沙磧坡陀  
高復低天寒不見寸草綠我行燕薊頗見之狼帽烏靴乃  
其族勿云恃勇不知義要以赤心置其腹嗚呼安得壯士  
健馬咸作使坐令戎馬皆臣僕

跋余子壽所藏山谷書范孟博傳山谷晚在宜城或  
求作字谷問欲何書則曰惟先生之意谷許以書  
范孟博傳或謂南方無復書谷曰平時好讀此傳  
遂嘿誦而書之舊聞此說又知在上饒大夫家願  
見不可余子來入判慕博記善屬文偶談及此又  
出摹本及尊公跋語始知其爲先世舊物也爲賦  
長句

宜人初謂宜於人肚老人竟不振承天院記顧何罪一  
斥致死海南濱賢哉別駕眷遷客不恤罪罟淡相親袞袞  
不容處城闔夜遣二子從夫君一日攜子丐奇書引筆行  
墨生煙雲南方無書可尋閱默寫此傳終全文補亡三篋  
比安世偶熟此卷非張巡巖巖汝南范孟博清裁千載無

比倫坡翁事母曾啓問百謫九死氣自伸別駕去官公亦  
已身雖旣衰筆有神我聞此書久欲見摹本尚爾存其真  
輟公清俸登堅珉可立懦夫羞佞臣

謝葉處士寫照

頃在朝行葉處士光遠爲余寫照置於山林中欣然自  
贊有云山林如許盍歸去蓋志於歸也一歸十三年旣  
掛冠再寄一圖爲老人星狀形容變盡非復故吾矣戲  
作長句謝之

老我舊曾官日邊隨衆年除仍歲遷母子日夜念鄉國但  
欲共畊絲上田葉君寫照妙一曲畫我形模在山水有如  
虎頭貌幼輿正合置之巖石裏猶記有客爲諛言盍更野  
服爲貂蟬我笑不答心不然拂衣竟得歸林泉歸來歲月

不知久十餘年中何有此心炯炯尚如丹只爲幽憂成  
老醜久矣與世俱相忘荷君念我應老蒼新圖白髭添一  
二豈知雙鬢皆成霜兩圖對掛耿相照顧眎從容成一笑  
更添松竹作壽星我已甘心就枯槁人言姿態與真同如  
照止水窺青銅明知已非故吾矣小孫指點能呼翁君居  
天街號稱首侯王生面羅左右邊頭飛將能立功颯爽英  
氣照窻牖名滿四方求者多千金造門君不呵能事固不  
受促迫應酬雖煩可奈何胡爲有暇及衰朽楚楚裝池意  
尤厚我今已是行路人不須重累丹青手

訪雷昭文于范村山間不得見

黃扉處士掩松關小立松風去住難可歎山中真宰相未  
容神武掛衣冠

送王仲言添倅海陵二首

萬卷詩書老雪溪，頎然二子和墳笈。絕憐伯氏久亡矣，猶幸夫君及見之。來上鷓行人，謂晚往舒驥。足自嫌遲，他時還向雲門否。布襪青鞋尚可期。

遂初陳迹遠，淒涼擊歎青箱極。薦揚談笑于儂情，易厚典刑使我意差強。重屏舊畫論中主，古殿遺文話阿章。舊事從今向誰得，尺書時許到淮鄉。

劉德修右史去國示所和從父東谿及楊子直詩走

筆次韻

東谿詩似老彌明，傾蓋論詩絕點塵。筆墨爲供無盡藏，江湖乞得自由身。出門遠送成惆悵，無計相留更主臣。但願皇天開老眼，不應空谷滯斯人。

送曾南仲寺丞守永嘉

六和久坐趨歸鞭，却送旌麾水竹邊。無說可禪新令尹，有詩重送老同年。城隅綠竹今安否，庭下朱欒定儼然。回首東州真夢境，羨君此去若登仙。

送涪尉海陵并寄示瀟二首

二子俱從宦，重親足自怡。汝能行幼學，豈恨輕離平日。自知已真心，更與誰臨文。有遺志，此是憶兒時。

處已幸寡過，居官勿願餘。勤成經歲別，賸寄幾行書。八退仍多學，心清任索居。但知行職通塞聽何如。

送內弟汪耐翁隨侍因赴臨川推官

之子長才蓋要津，未知此別幾經春。且爲滄浦過，莫作臨川入幕賓。生長外家身已老，歸旋中表意尤親。從今

家問須情實莫事虛文學外人

弔陳衛道墓

平生學博更加詳和會三家儘較量  
竟可憐成夢蝶多岐終是易亡羊  
門前修竹連巖桂道上芙蓉間草  
何似剗除閑草木青松一色蔭高岡

遊大梅山梅僊岩

爲憶西京梅子真人言羽化已淪海  
遺古墓已無迹山外高峰處古  
神鍾論至今大梅詩風猶足憑  
秋是何須更說神仙事終老市  
門良可

菁江送文

菁江十里路透迤兩岸平疇接翠微  
贏得閑中爽湖西上趁潮歸

過從子澤家

楚楚初篁脫綠苞城居約略似荒郊  
土膏更得春風力直引薔薇上竹梢

題陸放翁詩卷

妙畫初驚渴驥奔新詩熟讀歎微言  
四明知我豈相屬一水思君誰與論  
茶竈筆牀懷甫里青鞋布襪想雲門  
何當一棹訪淡雪夜語同傾一瓦盆

小谿道中二絕

簇簇蒼山隱夕暉途看野鴈着行歸  
久之不動方知是一搭碎雲寒不飛

後衲環村儘遡游鳳山寺下換輕舟  
舟人努力雙篙急引得清溪逆岸流

早起戲作  
枕穩衾溫夢不回閒居不怕漏聲催天明更欲從容睡長  
被見孫惱覺來

午睡戲作

早起三朝當一工老來貪睡不相同偶然一次五更起却  
用重眠到日中

湖亭觀競渡

涵虛歌舞擁艷君兩兩龍舟來往頻閨月風光三月景二  
分煙水八分人錦標贏得千人笑畫鼓敲殘一半春薄暮  
遊船分散去尚餘簫管繞湖濱

龍潭方丈

又因寒食此中來窻戶虛明絕點埃山裏春風無間斷海

棠開過地棠開

小酌元衛弟聽雨

小閣臨流暑氣清藕花的的照人明移牀更近欄邊坐要  
聽碁聲雜雨聲

過故家

團團桂樹擁簷牙舊日輕黃滿樹花惆悵秋清無一葉空  
餘枯枿縋寒瓜

仲觀有詩來謝次韻

危機屢見劒頭炊喜及掛冠神武時從此含藏三寸舌算  
來插得幾張匙讀書窻下病  
攻媿菴中老住持速辦  
小舟頻往反及今精力未全衰

閻丘醫視脉曰老人之脉如小春有感

老去光陰如小春如何比得少年人君看桃李春風後縱有花開不是真

貢闈對硯盤發歎

老去未忘黃與朱琢成三硯樂閒居豈能更作諸生業但欲頻看後世書視草北門才已盡持衡南省計尤疎便須再掛衣冠去約汝同歸故草廬

戲題絃

十四朱絃欲動時泛商流羽看瓊姬絃疏不隔如花面聲急還同墮馬兒谿蟹霜餘縈密網簷蛛雨後理輕絲曲終勸客杯無算一吐空喉醉不知

大雪趙振文寄詩言乘月泛舟清甚次韻

舊聞老具擅詩聲夜汎錢塘向鳳城今日清游更豪逸雪

花和月帶潮生

法具字圓復紹興初詩僧也有月夜游錢塘江詩云小舟爲我載月色白沙翠竹光相射後復云白下金陵四百年無此豪逸

酒邊戲作

未年六十已言歸七十重來自覺癡未報君恩歸未許樽前羞聽摸魚兒

頃游龍井得一聯王伯齊同見輩游因足成之

路入風篁上翠微老龍蟠井四山圍水真綠淨不可唾水從何來不知處魚若空行無所依勝處雖多終莫及舊游誰在事皆非祗今匏繫何由到徒羨聯鑣帶月歸

海潮圖

錢塘佳月照青霄壯觀仍看半夜潮每恨形容無健筆誰知收拾在生綃蕩搖直恐三山沒咫尺真成萬里遙金闕

岩堯天尺五海王自合日來朝

題施武子所藏醉白堂記 有序

醉白堂記相臺舊刻已不多見施武子得太清樓所藏  
真蹟一代奇寶也魏王尚友香山坡翁詞翰兩絕畫錦  
故居昔嘗以假吏過其門巷恨不一到其處太清圖書  
流傳至此撫卷無非可歎者事至今日歎又不足爲之  
慟哭可也

堂名醉白尚存不詞翰輝光射兩眸天下曾除蘇氏學禁  
中却有太清樓舊碑於世已難見真蹟惟君乃得收感歎  
不堪衰淚落林慮山下水空流 魏王以相州城中無水於  
林慮山引水入城貫第中  
溢爲灌溉之利

楊花

雨壓輕寒春較遲春淡不見柳絲飛忽然飛入閑庭院疑  
是故人何處歸

柳絲無數糝枝頭日暖隨風撲畫樓萬象可觀惟有雪喜  
看晴晝滿空游

爲我輕攀綠柳枝帶花低護又攜歸日長溪院微風動要  
著鬆綿當面飛

野芳庭草是生涯老去祇宜閑在家幾日惜春畱不住小  
鬟爲我拾楊花

趙資政園梅篆

小徑回環里許長寒梅森列間疎篁路如古繭縈繆篆身  
似輕煙繚印香九折坂中經蜀險八盤嶺上趁朝忙歸來  
遊戲通幽處笑看危途幾太行

喚仙閣

多少尋仙更不還渺茫竟墮有無間使其真有無庸喚仙  
自曾城我自山

阿虞試醉戲作

阿虞匍匐醉盤中事事都拏要學翁最是傳家清白處不  
將手向頑銅

行香聞杜鵑

墻西綠柳杜鵑聲老我何堪側耳聽我自賦歸歸不得不  
須苦語更丁寧



